

764

pl- 4

82
7-73

1920

Ա. ԳԱՆՈՆ ՏՕՅԼ



ՇԵՐԼՕՔ ՀՈՒՍՄԻ ՆՈՐ ԱՐԱԿԾՆԵՐԸ

ՅԱՐԳՄ. Ժ. Շ.

ԹԻԻ 4

ՎԵՐ ԴԱՐՁԱԾ ԶՐԹՈՒՆՔՈՎ ՄԱՐԴԸ



2011

2000

Զաֆն համբուն մէջ հրեց

27177-4-1

ՆԱՐԻՆՋԻ ՀԻՆԳ ԿՈՒՏԵՐՈՒ ԱՐԿԱԾԸ

— Այո՛, պատասխանեցի խնդարով: Չարմանալի «տօ-
քիւման» մըն էր: Փիլիսոփայութեան, աստեղագիտութեան
և քաղաքականութեան քով զէոօ դրուած էր, կը յիշեմ:
Բուսաբանութեան մէջ ձեր գիտութեան հաւատարոջ չկար:
Երկրաբանութեան մէջ խորին հմտութիւն, ի մասին ցեխի
բիծերու, երբ այդ ցեխը առնուած էր քաղաքին 50 քիլօ-
մէդրնոց մէկ շրջանակին մէջ: Քիմիաբանութեան մէջ արտա-
կեղրոն սրակած էի ձեզ: Անդամազննութեան մէջ - մէթոտի
պակտութիւն կը գտնէի, բայց անբազդատելի էիք զգայա-
ցունց գրականութեան և ոճի յի մասումս: Առաջին անգամ
ճուրճակահար, կռփամարտիկ, օրէնքի և սուրի մարդ, քօ-
քախնի և ծխախոտի մոլի: Ասոնք են, կարծեմ, իմ վեր-
լուծումիս գլխաւոր գիծերը:

Հօլմս դէմքը ծամածռեց այս վերջին խօսքերուն վրայ:

— Ե՛ր ուրեմն, շարունակեց, ըսի և կը կրկնեմ թէ մարդ
մը պարտաւոր է իր պզտիկ ուղեղին մէջ պահել ինչ որ կրնայ
օգտակար ըլլալ իրեն: Գարով աւելցուքին, դանիկա պիտի
զիզէ իր մատենադարանին մէջ, սպասելով որ պէտք ունե-
նայ անոր: Այսպէս, այս իրիկուն մեղի հազարդուածին նման
դէպքի մը համար պէտք ունինք մեր բոլոր աղբիւրներուն
կոչում ընելու: Կաղաչեմ, ինծի տուէք Անսիլթօքսի ամե-
ռիֆէնի Բ. գիրը պարունակող հատորը, որ ձեր քօլն է,
ձարակին վրայ: Ծնորհակալ եմ: Հիմա կացութիւնը քննենք
և տեսնենք թէ ի՞նչ կրնանք հետեւցնել անկէ: Ամէնէն առաջ
կրնանք յանդգնօրէն ենթադրել թէ գնդապետ Օբէնչօ Ամե-
րիկան լքանելու մասնաւոր պատճառ մը ունէր: Իր տարիքը
ունեցող մարդ մը կամովին չի փոխեր իր սովորութիւնները
և չի բաժնուիր Ֆլօրիստայի գիրուն կլիմայէն Անդլիոյ գաւա-
ռային մէկ պզտիկ քաղաքին մէջ մեկուսանալու համար:
Առանձնութեան մասին իր ունեցած խորունկ սէրը կարծել
կուտայ ինծի թէ մէկու մը կամ բանի մը վախէն կը հա-



6095-57 P

լածուէր և կրնանք ենթադրել թէ այս վախն է որ Ամերիկան ըջանել տուաւ իրեն: Գալով թէ ի՛նչ էր իր վախին բուն առարկան, կրնանք որոշել զայն իր և իր ժառանգորդներուն ստացած սոսկալի նամակներուն համեմատ: Դիտեցի՞ք այդ նամակներուն գրոշմները:

— Առաջինը կուգար Բօնտիշէրիէն, երկրորդը Տընտիէն և երրորդը Լոնտոնէն:

— Արեւելեան Լոնտոնէն: Ի՛նչ կրնաք հետեւցնել ասկէ:

— Այդ երեք քաղաքները նաւահանգիստներ են: Ասկէ կը հետեւցնեմ թէ այդ նամակներուն հեղինակը շոգեհատի մը մէջ կը գտնուէր:

— Աղէ՛կ: Թեղի մը ծայրը բռնած ենք արդէն: Նամակագիրը շոգեհատի մը մէջ էր: Շարունակինք քննութիւնը Բօնտիշէրիի նամակին համար: Սպասնալիքին և անոր գործադրութեան միջեւ եօթը շաբաթներ անցած են: Տընտիի համար, միջոցը երեք կամ չորս օր միայն եղած է: Ասոր մէջ նշան մը կը տեսնէ՞ք:

— Սա՛ նշանը կը տեսնեմ թէ նամակին հեղինակը մեծ հեռաւորութենէ մը անցած է:

— Այո՛, բայց նամակն ալ այդ միւսնոյն հեռաւորութենէն անցած է:

— Այն ատեն չեմ հասկնար:

— Նաւը, որով կը ճամբորդէր այդ մարդը կամ մարդիկը, անշուշտ առազատատանաւ մըն է: Կ'երեւայ թէ իրենց տարօրինակ նամակը միշտ զրկած են իրենց ճամբայ ելլելէն առաջ: Տընտիի նամակին առթիւ դիտեցիք թէ ո՛րչափ քիչ ժամանակ անցած է նամակին և անոր պարունակած սպասնալիքին գործադրութեան միջեւ: Եթէ Բօնտիշէրիէն շոգեհատով մը եկած ըլլային, գրէթէ իրենց նամակին հետ միւսնոյն ատեն պիտի հասնէին: Արդ, ամբողջ եօթը շաբաթներ անցած են: Ըստ իս, եօթը շաբաթները կը ներկայացնեն արագութեան տարբերութիւնը նամակը բերող շոգեհատին և նամակին հեղինակը բերող առազատատանալին միջեւ:

— Կարելի է:

— Ես լաւագոյնը պիտի ըսեմ.— հաւանական է: Եւ հիմա կը հասկնաք թէ այս նոր պարագան ո՛րչափ ստիպողա-

կան է և ինչո՛ւ երիտասարդ Օրէնշայի յանձնարարեցի հսկել իր անձին վրայ: Աղէտը միշտ զո՛նքուն գլխին եկած է նաւակը զրկողին ճամբորդութեան համար անհրաժեշտ եղած ժամանակին լրանալէն ետք: Վերջին նամակը Լոնտոնէն կուգայ: Ուստի պէտք չէ որ երկար ատեն սպասենք:

— Տէ՛ր Աստուած, պրտացի, ի՛նչ կրնայ նշանակել ուրեմն այս կատաղի հալածանքը:

— Օրէնշայի քովը գտնուած թուղթերը անշուշտ շատ կարեւոր են այն անձին կամ անձերուն համար, որոնք առաջատանալին մէջ կը գտնուին: Կրնամ հաւատաւել թէ այդ անձերը քանի մը հոգի էին: Միակ մարդ մը պիտի չկրնար երկու սպանութիւններու հեղինակը ըլլալ ու այդ կերպով խարել երդուեալ դատաւորները: Ուստի ոճրագործները մէկէ մեկի էին, ամենքն ալ միջոցներ ունեցող հաստատամիտ մարդեր: Կ'ուղեն այդ թուղթերը ունենալ, որո՛ւ քով ալ որ գտնուին անոնք: Այս կերպով Ք. Ք. Ք. չի ներկայացնէր միակ անհատի մը սկընստատեքը, այլ ընկերակցութեան մը խորհրդանշանն է:

— Բայց ո՞ր ընկերակցութեան:

— «Քիւ Քիւրքս Քլան»ի խօսքը լսած էք երեքք, ըսաւ Հօլմս ցած ձայնով:

— Ո՛չ, երեքք:

Հօլմս իր դիրքը թղթատեց:

— Տեսէք, ահաւասիկ, «Քիւ Քիւրքս Քլան», կ'ըսէ.—

Այս անունը ծագում առած է ուշադրաւ նմանութենէն, զոր ունի Բարալիմայի մը ձայնին հետ: Այս սոսկալի գաղտնի ընկերութիւնը քաղաքային պատերազմէն ետք հարաւային Նահանգներուն մէջ կազմուեցաւ քանի մը նախկին պաշտօնակիցներու կողմէ և շատ չանցած, ձիւղեր ունեցաւ գանազան զաւառներու, մանաւանդ Թէնըսիի, Լուիզիանայի, Քառօթիմներուն և Մլօքիտայի մէջ: Քաղաքական ոյժ մը ունէր, սեւամորթ ընտրողները կ'ահարեկէր և կ'անհետացնէր կամ երկրէն կը վտարէր ամէն անոնք որ իր ծրագիրներուն արդեւը կ'ըլլային: Այս ընկերութեան անդամները, զարնելէ առաջ, քմածին բայց դիւրաւ ճանչցուելիք ձեւի մը տակ նամակ մը կը զրկէին սրոշուած զո՛նին, մերթ կաղնիի տե-

բեւի ընծիւղ մը, մերթ սեխի կամ նարինջի կուտեր: Այս ազդարարութիւնը ստանալով, զո՛ր պարտաւոր էր կա՛մ իր ապրելու եղանակը փոխել, կամ երկրէն փախչել: Եթէ սպառնալիքին կարեւորութիւնն չտար, անվրէպ իրեն կը սպասէր մահը, — եւ միշտ տարօրինակ, անակնկալ մահ մը: Այս ընկերութիւնը այնչափ լաւ կազմակերպուած էր և այնչափ մէթոտիկ կանոններ ունէր որ հազիւ մէկ պարագայի մէջ մարդ մը կրցած է անպատիժ կերպով դիմադրուել անոր և կամ թէ կարելի եղած է ոճիրի մը հեղինակներուն հետքը զանել: Քանի մը տարի առաջ այս ընկերութիւնը իր յաջողութեան գագաթնակէտին հասած էր հարաւային Նահանգներու կառավարութեան և բարձր դասին ջանքերուն հակառակ: 1869ին, ընկերակցութիւնը յանկարծ լուծուեցաւ: Սակայն վերակազմութեան մասնակի փորձեր եղան այդ թուականէն ի վեր):

— Պիտի դիտէք թէ, ըսաւ Հօլմս հատորը վար գնելով, այս ընկերութեան յանկարծական լուծումը կը զուգադիպի անհետացմանը հետ Օրէնչոյի, որ Ամերիկայէն հեռացաւ թուղթերը միասին առնելով: Պատճառ եւ արդիւնք միեւնոյն ատեն կրնային գտնուիլ ատոր մէջ: Զարմանալի չէ որ անողոք ուղիներ անդադար կը հալածեն Օրէնչօ ընտանիքին անդամները: Կը հասկնաք թէ այդ տոմարը և յուշատետրը կրնան վտանգել Հարաւի երեւելիներէն մէկ քանին և թէ անոնցմէ շատեր պիտի չքանան որչափ ատեն որ այս թուղթերը իրենց ձեռքը չըլլան:

— Ուրեմն մեր տեսած է՞ջը...
 — Ճիշդ ան է, զոր կրնայինք ենթադրել: Եթէ լաւ կը յիշեմ, անոր մէջ գտնուած էր «Կուտերը զրկուած Ա.ին, Բ.ին և Գ.ին», ինչ որ ըսելի կ'ուզէ թէ ընկերութեան ազդարարութիւնները զրկուած են Ա.ին, Բ.ին և Գ.ին: Յետոյ կայ սա ծանօթութիւնը. «Ա. և Բ. անհետացան կամ երկրէն մեկնեցան»: Գալով Գ.ին, կը վախճամ թէ տխուր վախճան մը ունենայ: Է՛ ուրեմն, հիմա կը կարծեմ, տո՛քդոր, թէ կրնանք քիչ մը լոյս ձգել այս միջին պատմութեան վրայ և թէ երիտասարդ Օրէնչոյի համար փրկութեան միակ հնարաւորութիւնն է ընել ինչ որ ըսի իրեն: Այս իրիկուան համար

ուրիշ բան չկայ: Զութակս տուէք ինծի և փորձենք կէս ժամու չափ մոռնալ դուրսի սա խիստ ախուր օդը և մարդկային ցեղին ո՛չ նուազ ողբալի կիրքերը:

Առտուն օդը բացուած էր և արեւը երկչոտ պայծառութիւնով մը կը փայլէր մեծ քաղաքը ծածկող ամպամած քողին մէջէն: Շէրլօք Հօլմս արդէն սեղանն նստած էր երբ վար իջայ:

— Ներեցէք որ ձեզի չսպասեցի, ըսաւ: Կ'ենթադրեմ թէ այսօր երիտասարդ Օրէնչոյի գործին ուսումնասիրութեամբ պիտի յանցընեմ օրս:

- Ի՞նչ ընթացքի պիտի հետեւիք, հարցուցի:
- Ատիկա առաջին հետազոտութիւններուս արդիւնքէն կախում պիտի ունենայ: Կրնայ ըլլալ որ Հօրչէյմ երթամ:
- Ամէնէն առաջ հոն պիտի չերթա՞ք:
- Ո՛չ, Լոնտոնէն պիտի սկսիմ... Սպասուհին կանչեցէք որ ձեր սուրճը բերէ:

Հիմակուհիմա բացի սեղանին վրայ դրուած թերթերէն մէկը և ակնարկ մը ձգեցի վրան: Ուշադրութիւնս զբաւեց յօղուած մը, որ ոարսուռ պատճառեց ինծի:

- Հօլմս, շատ ուշ մնացիք, ըսի:
- Ա՛հ, պատասխանեց գաւաթը վար գնելով, ատկէ կը վախնայի: Ի՞նչպէս եղեր է:

Հօլմս, ինքզինքը շատ հանդարտ ցոյց տալով մէկտեղ, խիստ յուզուած էր:

Ակնարկս հանդիպեցաւ Օրէնչօ անունին և սա խորագիրին. «Տոամ՝ Վաթէրլոյի կամուրջին վրայ»: Ահաւասիկ յօղուածը.

«Երէկ գիշեր, ժամը 9ին և 10ին միջոցները, ստիկան Քուք, որ Վաթէրլոյի կամուրջին մօտ պահակ կը սպասէր, օգնութեան կոչ մը և ջուրին խորը երթալու ձայն մը լսեց: Գիշերը մթին էր, կատաղէ փոթորիկ մը կը տիրէր և քանի մը անցորդներու օգնութեան հակառակ, կարելի չեղաւ ազատարարութեան գործը յաջողցնել: Սակայն իրարանցումին նշանը արուեցաւ և քարափի ստիկանութիւնը յաջողեցաւ ցամաք հանել մարմինը Օրէնչօ անուն երիտասարդի մը, որ Հօրչէյմ կը բնակի, ինչպէս կը հաստատէ իր զրպա-

նին մէջ դանուած պահարան մը: Կ'ենթադրուի թէ Վաթէր-
լոյի կայարանին մէջ վերջին կառախուձքին հասնելու աճա-
պարանքով և մթութեան շնորհիւ ճամբան շուարած է և
նաւերը կապելու ծառայող կամրջակի մը ծայրէն անցած է:
Մարմինն վրայ բռնութեան ո' և է հեռք չըլլալով, բացա-
յայտ կ'երեւի թէ հանգուցեալը զոհ եղած է աղետալի ար-
կածի մը: Այս դժբախտութիւնը պէտք է որ իշխանութիւն-
ներուն ուշադրութիւնը հրաւիրէ կամրջակներու ճախող
գերքին վրայ»:

Քանի մը վայրկեան անշարժ և լուռ մնացինք: Հօլմն
առաջուրնէ աւելի յուզուած էր:

— Ի՞նչ ճախողութիւն իմ արժանապատուութեանս հա-
մար, Ուո'թօրն, ըսաւ վերջապէս: Ասիկա շատ փափուկ զգա-
ցում մըն է, կը խոստովանիմ, բայց հպարտութիւնս կը վի-
րաւորուի: Անձնական գործ մը կ'ընեմ ասիկա և եթէ Աստ-
ուած կեանք տայ ինձի, այդ խումբը ձեռք պիտի անցընեմ:
Եւ ըսել թէ այդ երիտասարդը իմ օգնութիւնս խնդրելու
եկած էր ու ես դէպի մա'հ զրկեցի զայն:

Յանկարծ ելաւ թիկնաթուէն և սենեակին մէջ վեր վար
պտտեցաւ փութիկոտ քայլով մը: Դեղնած աշտերուն վրայ
թեթեւ կարմրութիւն մը կար: Իր երկար ու նիհար ձեռքերը
կը կծկուէին ջրածգօրէն:

— Այդ մարդիկը խորամանկ թշուառակներն եղած ըլ-
լալու են որ այս թակարդին մէջ ձգէին զայն, ըսաւ: Գե-
տին եղերքը կայարանին հեռ ուղիղ զիծի վրայ չի գտնուիր:
Նոյն իօն գիշերուան այդ ժամուն շատ մարդ կ'անցնէր կա-
մուրջէն, որով չէին կրնար գործադրել իրենց ծրագիրը: Է'
ուրեմն, Ուո'թօրն, պիտի տեսնենք թէ ո'վ պիտի շահի այս
պայքարը: Անմիջապէս դուրս կ'ելլեմ:

— Ոստիկանութեան դիմելու համար:

— Ո՛չ, ես ինձի կը բաւեմ: Երբ ցոնցս պատրաստեմ,
որք բռնելու մտին վտանգ պիտի ըլլամ, բայց ոչ անկէ առաջ:

Ամբողջ օրը գործերովս զբաղեցայ և ուշ էր երբ Պէյքըր
Սթրիթ գարձայ: Հօլմն եկած չէր տակաւին: Վերջապէս,
ժամը 10ին միջոցները դարձաւ սոժոյն և ուժասպառ: Ուղ-
ղակի պիտեան գնաց, կտոր մը հաց կտրեց և կերաւ անյաղօ-
րէն: Յետոյ խոշոր գաւաթ մը ջուր խմեց:

— Անօթի' էք, ըսի:
— Չափազանց: Նախաճաշէն ի վեր բերանս բան մը
չեմ դրած:

— Բան մը չէ՞ք դրած:

— Ո՛չ: Եւ յետոյ ժամանակ չունէի ստոր վրայ խորհելու:

— Է' ուրեմն, յաջողեցա՞ք:

— Այո', անշո՛ւշտ:

— Հեռքը գտա՞ք:

— Ափսի մէջն է: Քիչ ատենէն պիտի լուծուի երիտա-
սարդ Օրէնշոյի վրէժը: Իրենց յատուկ դիւային նշանով պիտի
դրոշմենք զիրենք: Աղէկ հնարուած է, այնպէս չէ՞:

— Ի՞նչ ըսել կ'ուզէք:

Նարինջ մը առաւ, բացաւ և կուտերը սեղանին վրայ
դրաւ: Անոնցմէ հինգ հատ ընտրելով, պահարանի մը մէջ
դրաւ և ստորադ գրեց. «Ե. Հ., վասն Ճ. Օ. ի»: Յետոյ
կնքեց և հետեւեալ հասցէն գրեց.

«Նաւապետ ձէյմս Քօլուժ, Լօն Սքար նաւ, Սէվէննա»:

— Այս նամակը իրեն պիտի յանձնուի նաւահանգիստ մտած
ատեն, ըսաւ հեղնօրէն, և պիտի կրնայ անոր քունը փախ-
ցընել: Իր ճակատագրին յառաջընթացը պիտի ըլլայ, ինչպէս
եղաւ Օրէնշոյի համար:

— Ո՞վ է այդ նաւապետ Քօլուժը:

— Խուժբին պետը: Միւսներն ալ ձեռք պիտի ձգեմ,
բայց նախ՝ անիկա:

— Հեռքը ինչպէս գտաք:

Հօլմն զրպանէն լայն թուղթ մը հանեց, որ թուական-
ներով և անուններով ծածկուած էր ամբողջովին:

— Ամբողջ օրը անցուցի, ըսաւ, Լօյտի տոմարները և
հին թուղթերու դէպեր քննելով: Հետեւեցայ բոլոր նաւե-
րուն, որ Փետրուարին Բօտոիշէրի հանդիպած էին: Քիչ տա-
րողութեամբ ՅՅ նաւեր արձանագրուած են վերջիւ ամիս-
ներուն այդ քաղաքին տոմարներուն մէջ: Նաւերէն մէկը
Լօն Սքար՝ անմիջապէս ուշադրութիւնս գրուեց (թէեւ, ըստ
սոմարներուն, Լոնտօնէն դուրայ), վասն զի անոր անունը
ամերիկեան Նահանգներէն մէկուն անունն է:

— Կարծեմ թէ քսանն է:

— Չեմ կրնար հաւատել, բայց վստահ եմ թէ ամերիկեան ծագում ունի:

— Է՛, Էտքը:

— Տընտիի տոմարները պրպտեցի ու երբ տեսայ որ Լօն Սքար 15 Յունուարին այդ նաւահանգիստը կը գտնուէր, ենթադրութիւնս ստուգութեան փոխուեցաւ: Յետոյ աչքէ անցուցի ցանկը այն նաւերուն, որոնք այժմ Լոնտոնի նաւահանգիստը կը գտնուին:

— Ե՛տքը:

— Լօն Սքար անցեալ շաբթու հասած է: «Ալպեր Տօք»ը գացի ու իմացայ թէ նաւը այս առտու իսկ գետէն իջած էր, ձամբայ ելլելով դէպ ի Սէվէննա: Կրէյվսէնդ հեռագրեցի և իմացայ թէ արդէն բացերը կը գտնուէր ան: Հովը արեւելքէն ըլլալով, Լօն Սքար հիմակ անցած է Կուտվէնսէն և Հուայթ կղզիին մօտեցած ըլլալու է:

— Ի՛նչ պիտի ընէք ուրեմն:

— Հոգ մի՛ ընէք: Ես անոնց օձիքը չեմ ձգեր: Գիտեմ թէ նաւուն մէջ գտնուող միակ Ամերիկացիներն են նաւապետը և երկու օգնականները: Միւսները Դանիացի և Գերմանացի են: Գիտեմ նաև թէ երեքն ալ ցամաք ելած են երէկ դիշեր: Ատիկա լսեցի այն մարդէն որ նաւուն մէջ բեռները զետեղելու օգնած է: Իրենց նաւը Սէվէննա հասնելէ առաջ իմ նամակս թղթատարական կառքով իր հասցէին պիտի ժամանէ և Սէվէննայի ոստիկանութիւնը պիտի դիտնայ թէ այդ երեք պարոնները իբր ոճրագործ ամբաստանուած են:

Ինչպէս միշտ, մարդկային ծրագիրները տեղ մը պակասութիւն կ'ունենան և ձօն Օրէնչոյի սպանիչները երբեք չստանան նարինջի կուտերը, որոնք պիտի յայտնէին իրենց թէ իրենց չափ հաստատամիտ և յանդուգն մարդ մը յաջողած էր երեւան հանել ամէն բան:

Լօն Սքար փոթորիկի բռնուելով ընկղմած էր և մէջը դրամուտողներուն ամենքն ալ խեղդուած էին:

Վ Ե Ր Ձ

ՎԵՐ ԴԱՐՁԱԾ ԶՐԹՈՒՆՔՈՎ ՄԱՐԴԸ

Իսա Ուրթնէյ, եղբայր հանգուցեալ էլիէս Ուրթնէյի, առքթոր աստուածաբանութեան, գլխաւոր ուսուցիչ Սէյնթ Ճօրճի աստուածաբանական վարժարանին, ինքզինքը հաշիշի տուած էր: Կ'երեւայ թէ այս մոլութիւնը ստացաւ քօլէճին մէջ, ծիծաղելի չարածճիւթեան մը հետեւանքով: Քուինսէյի երազներուն և զգայնութիւններուն նկարագրութիւնը կարգացած էր և միեւնոյն արդիւնքները յօդուա իրեն առաջ բերելու համար, լօտանոտով (ամիւսն ռուհու) ողողած էր իր ծխախոտը: Ուրիշ շատերու պէս տեսաւ որ աւելի դիւբին է սովորութիւն մը ստանալ քան թէ աղատիլ անկէ և ինք որ յարգելի մարդ մը եղած էր, այդ կիրքին ազդեցութեան տակ քանի մը տարուան մէջ սոսկուծի և կարեկցութեան տարկայ եղաւ իր ազգականներուն և բարեկամներուն համար: Տակաւին կը տեսնեմ զայն, նստած, ինք իր վրայ ամփոփուելով: Կը տեսնեմ իր դեղին և թանձրացած գոյնը, իր ծանր արտեւանունքները, իր բիրբըր, որոնք գնդասեղի ծայրերու ծաւալը առած էին, — մէկ խօսքով աւերումի պատկերը:

Գիշեր մը, — 1889 Յուլիոն էր — յուռը զարկին գրէթէ ա՛յն ժամուն, ուր կարգապահ մարդ մը կը սկսի յօրանջել և ժամացոյցը կը նայի: Աթոռին վրայ շակուեցայ և կինս իր ձեռագործը ծունդերուն վրայ ձգեց, որանեղութենէն քիչ մը խոժոռած դէմքով:

— Յաճախորդ մը, ըսաւ: Պիտի ստիպուէք դուրս ելլել: Խորին հառաչանք մը արձակեցի, որովհետեւ այն օրը յոգնած էի և հանգիստի կը կարօտէի:

Դուռը բացուեցաւ: Աճապարանքով արտասանուած քանի մը խօսք և նրբանցքին մէջ արագ ոտնաձայներ լսեցինք: Արան մտցուցին մութդոյն շրջազգեստ մը հագած կին մը, որուն դէմքը սեւ քօյի մը տակ ծածկուած էր:

— Երեցէք այսչափ ուշ ատեն գալուս, ըստ :

Յետոյ, ինքզինքը չկրնալով զսպել, կնոջս գիրկը նետուեցաւ և անոր ուսին վրայ հեծկլտաց :

— Օ՛հ, ս՛րչափ դժբախտ եմ, ըսաւ : Քիչ մը օգնութեան պէտք ունիմ :

— Ի՛նչպէս, ըսաւ կինս անոր քօղը վեր առնելով, բայց Քէյթ Ուիթնէյն է ասիկա : Ո՛րչափ վախցուցիք զիս, Քէյթ :

Ներս մտած ատեննիդ բնաւ չճանչցայ ձեզ :

— Սոսկալի կացութեան մը մէջ եմ : Այլ եւս ի՛նչ ընելու չեմ գիտեր : Ուստի ձեզ դռնելու եկայ :

Այս խօսքը նոր չէր ինծի համար : Կինս վշտահարներուն ապաւէնը և խորհրդատուն եղած էր երկար ատենէ ի վեր :

— Աղէկ ըրիք որ եկաք, ըսաւ անոր : Քիչ մը ջուր և զինի խմեցէք կազդուրուելու համար : Հանդատաւէտ ավտոսի մը վրայ նստեցէք և ձեր վիշտը պատմեցէք ինծի : Կ'ուզէ՞ք որ ժաք հեռանայ :

— Ո՛չ, ո՛չ, տօքոսիին կարծիքին ու նաև օգնութեանը պէտք ունիմ : Իսայի համար է : Երկու օրէ ի վեր տուն դարձած չէ : Կը վախնամ որ ցաւալի բան մը պատահած է անոր :

Առաջին անգամը չէր որ կը խօսէր մեզի իր ամուսինին հիւանդութեանը վրայ, ինծի՝ իբրև տօքոսի և կնոջս՝ իբրև դպրոցակից վաղեմի բարեկամուհի : Ամէն ջանք ըրինք զինքը հանդարտեցնելու և կազդուրելու համար, միեւնոյն ատեն հարցումներ ընելով ամուսինին զանուելիք տեղւոյն և զանիկա իր տունը վերադարձնելու կարելիութեան վրայ :

Ըսաւ թէ ստոյգ ազգութի գիտէ որ իր վերջին տագնապին միջոցին Լոնտոնի արեւելեան թաղը գտնուած հաշիշի ծխարանի մը սուրբական յաճախորդը եղած էր : Մինչև այն ատեն իր շուտաշուտ թիւնները մէկ օրուան բացակայութեան մէջ կը սահմանափակուէին : Իրիկունը կը դառնար զինով վիճակի մէջ : Բայց այս անգամ 48 ժամէ ի վեր կը գտնուէր իր ցաւալի մտութեան ազդեցութեան ներքև : Եւ այդ ծխարանին մէջ պիտի գտնուէր, թոյն ներշնչելով կամ քնանալով, մինչև որ ափիօնին ազդեցութիւնը անցնի և ասիկա՝ անարդու վատթար մարդոց միջև :

Դէպի «Ոսկի կապելան» էր, Էբբըր Սուէնտէմ Լէնի մէջ, ուր պէտք էր ուղղել հետագօօ

թիւնները : Բայց ի՛նչ ընելու էր : Երկչոտ կին մը ի՛նչպէս կրնար այդպիսի տեղ մը մտնել և ամուսինը հարկադրել որ սրիկաներու այդ սրջէն մեկնի :

Այս էր իր այցելութեան նպատակը, յուսալով թէ պիտի կրնայի իրեն ընկերանալ այդ անիծեալ վայրին մէջ : Յետոյ, կարծիքը փոխելով, նկատեց թէ վերջապէս իր ներկայութիւնը օգուտ մը չունէր և թէ ես՝ Իսա Ուիթնէյի բժշկական խորհրդատուն՝ աւելի ազդեցութիւն պիտի ունենայի անոր վրայ : Լաւագոյն էր ուրեմն որ ես առանձին երթայի : Խօսք տուի ամուսինը կառքով մը զրկել իրեն, եթէ գտնէի զայն իր նշանակած տեղը : Տասը վայրկեան ետք թիկնաթոռէս ելած և հանդատաւէտ սրահէս հեռացած էի կառքով դէպ ի քաղաքին արեւելակողմը երթալու համար տարօրինակ պաշտօնով մը, ըստ երեւոյթին նուազ տարօրինակ քան որչափ չեղաւ իրականութեան մէջ :

Չեռնարկիս առաջին մասը շատ պարզ եղաւ : Ըբբըր Սուէնտէմ-Լէն գարշելի փողոց մըն է, ծածկուած այն բարձրաբերձ միջերանոցներուն ետեւ, որոնք Լընարն-Պրիճի արեւելակողմը, զետին հիւսիսային եզերքին վրայ կը գտնուին : Ըմպելլիներու վաճառատան մը և ճինօղիի խանութի մը միջև, ուր կարելի էր երթալ քարէ ցից սանդուղով մը որ նկուղի մը մուտքին պէս սեւ ծակի մը կը յանգէր, փնտռած որջս գտայ : Կառագանիս հրամայելով ինծի սպասել, իջայ սանդուղէն, որ զինովներուն յարատեւ անցքին հետեւանքով մաշած էր, և դրան վերեւ կախուած իւղի դողդոջուն կանթիկի մը լոյսով, մղլալը վերցուցի և խորխափելով մտայ երկար ցած սենեակ մը, որուն միջոցով թանձրացած էր աֆիօնի թխորակ ծուխով : Փայտէ անկողնիկներ, որոնք պատշգամաձեւ սրմածք մը կը կազմէին, չորս կողմը իրարու վրայ շարուած էին, ինչպէս կ'ըլլայ դաղթականներու նաւի մը յառաջակողմի բարձրաւանդակին վրայ :

Այս շոգիին մէջէն տարտամ կերպով կը նշմարուէին ուրուանկարներ, որոնք ամէնէն երեւակայական ձևերը կը ներկայացնէին, — կորաքամակ ուսեր, ծալլուած ծունկեր, դէպ ի ետեւ ձգուած գլուխներ ամբանացած կերպարանքով մը և հոս ու հոն մնայլ և աղօտ աչք մը դէպ ի դուռը ուղ-

զուած : Ստուերի չրջանակէն կը ցայտէին պղտիկ կէտեր , աւելի կամ նուազ լուսաւոր , մետաղէ ծխամորջերու մէջ վառած կամ մարած թոյնին համեմատ : Ծխողներէն շատերը պառկած էին և չէին խօսեր : Բայց ոմանք իրենց երազները կը մրմռային և ուրիշներ ալ իրենց մտածումները կը փոխանակէին տարօրինակ , խուլ և կցկտուր ձայնով մը : Ասոնք յանկարծ կանգ կ'առնէին և իրենց խոկումներուն մէջ կը խորասուզուէին առանց գրայցիին պատմածովը զբաղելու : Անեակիկն դիմացի կողմի ծայրը նշմարեցի վառած ածուխի պղտիկ հնոց մը և անոր շատ մօտը , փայտէ եռոտանիի մը վրայ , նիհար մարդ մը , որուն ծնօտը ձեռքերուն վրայ կը հանդչէր : Արմուկները ծունդերուն կրթնցուցած էր և աչքերը կարծես թէ կրակէն առինքնուած էին :

Ներս մտած ատենս , Մալալացի սովորոյն սպասուոր մը փութացած էր ծխամորջ մը և աֆիօնի պաշար մը ներկայացնել ինծի , հրաւիրելով զիս ասրածուիլ պարապ անկողնի մը վրայ :

— Ծնորհակալ եմ , ըսի , ես էստ եկած եմ ո՛չ թէ մնալու , այլ տեսնելու համար բարեկամներէս մէկը՝ Մր. Իսա Ուիթնէյը , որուն հետ խօսելիք ունիմ :

Աջակողմէս մէկը յանկարծական շարժում մը ըրաւ և ձայն մը հանեց : Այն ատեն մութին մէջ տեսայ որ իմ առջեւ , սեւեռուն ակնարկով մը ինծի կը նայէր նոյն ինքն Ուիթնէյ , բայց սովորոյն , մոլորուն , անբանացած Ուիթնէյ մը :

— Մե՛ծդ Աստուած , Ուոթսընն է , ըսաւ :

Խեղճ մարդը սրտածմբիկ վիճակի մը մէջ էր և ջիղերը վերջին ծայր գրգռուած էին :

— Ըտէ՛ք , Ուոթսըն , ժամը քանի՞ն է , հարցուց :

— 11ին մօտ է :

— Ո՞ր օրուան :

— Յունիս 19ի ուրբաթ օրուան :

— Անեկի՛ բան է : Ես կը կարծէի թէ ա՛սօր չորեքշաբթի է : Ո՛չ , կը սխալիք , չորեքշաբթի է , այնպէս չէ : Ինչո՞ւ կ'ուզէք անարդ խաղ մը ընել ընկերոջ մը :

Գլուխը ուսին վրայ ծռեց և սկսաւ լալ :

— Ձեզի կ'ըսեմ թէ այսօր ուրբաթ է , սիրե՛լիս : Ձեր

կինը երկու օրէ ի վեր ձեզի կը սպասէ : պէտք է ամէնայիք ձեր ընտանիքին համար :

— Արդարև կ'ամէնամ : Միայն թէ կը սխալիք , Ուոթսըն , վասն զի քանի մը ժամ միայն անցուցի հոս : Երեք , թերեւս չորս ծխամորջ խմեցի , չեմ յիշեր թէ ո՛րչափ է : Բայց ձեզի հետ պիտի դառնամ : Ձեմ ուղեր սարսափեցնել Քէյթը , խեղճ պղտիկ Քէյթը : Ձեռքերնիդ առէք : Կառք ունի՞ք :

— Այո՛ , դրան առջեւն է :

— Այն ատեն պիտի օգտուիմ : Պէտք է սակայն որ հաշիւս մաքրեմ այս տեղ , Ուոթսըն : Կ'աղաչեմ , նայեցէք թէ պարտքս ի՛նչ է : Ես այլեւս ոյժ չունիմ բան մը ընելու :

Մինչեւ խանութին տիրոջը քով երթալու համար , քնացողներու երկու շարքերուն միջեւ ազատ թողուած նեղ անցքը մտայ , չունչս բռնելով , որպէս զի աֆիօնի թունաւոր և թմբեցուցիչ չոգիները չներչնչեմ :

Նիհար մարդուն առջեւէն անցնելով , որ հնոցին քով նստած էր , զգացի ձեռք մը , որ բաճկոնէս կը քաշէր և լսեցի խուլ ձայն մը , որ կը մրմռար . « Երբ իմ առջեւէս անցնիք երթաք , ետեւնիդ դարձէք ու ինծի նայեցէք » :

Ակնարկ մը ձգեցի չորս կողմս : Այս խօսքերը խիստ սրուկերպով արտասանուած էին : Ծերունին միայն , որուն քով կը գտնուէի , կրնար արտասանած ըլլալ զանոնք : Սակայն կը վարանէի այդպէս կարծելու , որովհետեւ այդ մարդը մտածումներու մէջ խորասուզուած կ'երեւար : Ծայրայեղ նիհարութիւն մը ունէր , խորշումած և տարիքէն կորաքամակ եղած : Ծունդերուն միջեւ բռնած էր աֆիօնի իր երկար ծխամորջը , զոր կարծես թէ ձեռքէն ձգած էր յոգնութեան հետեւանքով : Երկու քայլ յառաջացայ , յետոյ ետիս դարձայ : Բայց մտքի բովանդակ ներկայութեանս պէտք ունեցայ աղաղակ մը զսպելու համար : Ծերունին ա՛յնպիսի դիրք մը առած էր որ ես միայն կրնայի տեսնել զինքը : Մարմինը նուազ նիհար էր , խորշումները անհետացած էին , աղօտ աչքերը նորէն փայլուն էին և այն անձը , որ առջեւս կը գտնուէր , հնոցին քով նստած , Շէրլօք Հօլմսն էր , այո՛ , նո՛յն ինքն Շէրլօք Հօլմսը , որ իմ զարմանքիս վրայ կ'ըբօսուոր : Աննշմարելի նշանէ մը հասկցայ

Թէ պէտք էր իրեն մօտենայի, բայց անիկա արդէն, իր կախ շրթունքովը, վերստացած էր մանկացեալ ծերունիի իր կերպարանքը:

— Հօ՛րմս, ի՞նչ կ'ընէք հոս, այս որջին մէջ, մրմուացի:

— Կարելի եղածին չափ ցած ձայնով խօսեցէք, ըսաւ: Ականջներս սուր են: Եթէ հոն գտնուած ձեր անբանացեալ բարեկամէն ձեր օձիքը ազատելու ծայրայեղ բարութիւնը ունենաք, շատ ուրախ պիտի ըլլայի վայրկեան մը ձեզի հետ խօսելով:

— Դրան առջեւ կառք մը ունիմ:

— Այն ատեն, կ'աղաչեմ, կառքը դրէք դայն և ատենը դրկեցէք: Իրեն մասին կրնաք հանդիստ ըլլալ: Շատ ընկճուան երեւոյթ մը ունի և յիմարութիւններ չի գործեր: Խորհուրդ կուտամ նաև ձեզի որ կառապանին միջոցաւ ըսէք ձեր կնոջ թէ ես վար դրած եմ ձեզ: Դուրսը սպասեցէք ինձի: Հինգ վայրկեանէն կուգամ կը գտնեմ ձեզ:

Բան մը չէի մերժեր Շէրլօք Հօլմսին, որուն բոլոր խնդրանքները որոշ և ճշգրիտ էին և հանդարտ ու հեղինակաւոր շեշտով մը կ'ըլլային: Գիտէի նաև թէ երբ Ուիթնէյը կառք դնէի, պաշտօնս լրացած պիտի ըլլար, և միւս կողմէ կ'ուրախանայի որ բարեկամիս հետ պիտի նետուիմ այն տարօրինակ արկածներէն մէկուն մէջ, որոնք իր գոյութեան միակ պատճառն էին: Քանի մը բոպէի մէջ կարճ տոմսակ մը գրեցի կնոջս և Ուիթնէյի հաշիւը մաքրեցի: Յետոյ Ուիթնէյը դետեղեցի կառքիս մէջ ու երբ տեսայ հեռանալը, համբերութեամբ սպասեցի Շէրլօք Հօլմսի: Քանի մը վայրկեան ետք տեսայ որ ափիօնամոնիերու որջէն դուրս ելաւ դառած ծերունիի երեւոյթով մարդ մը, որ մօտս եկաւ ու քով քովի իջանք փողոցն ի վար: Պահ մը անստոյգ քայլով մը յառաջացաւ կռնակը ծռած: Յետոյ յանկարծ ատրին դառնալով շահուեցաւ և բարձր ձայնով խնդաց դուարթօրէն:

— Մտքէ պիտի անցընէիք, Ուո'թսըն, այնպէս չէ՞ ըսաւ, թէ ափիօնի մոլութիւնն ալ աւելցուցած եմ քօքախիտ ներմարթային ներարկումներուն և միւս բոլոր տկարութիւններուն վրայ, որոնց մասին հաճեցաք բժշկական հորիզոններ բանալ իմ առջեւս:

— Ապահովապէս շատ զարմացայ ձեզ այս տեղ գտնելով:

— Ես ձեզմէ աւելի զարմացայ զձեզ հոս տեսնելով:

— Ես բարեկամ մը փնտուելու եկայ:

— Ես ալ թշնամի մը:

— Թշնամի մը:

— Այո՛, իմ բնական թշնամիներէս մէկը, կամ, եթէ կը նախապատուէք, որս մը: Մէկ խօսքով, Ուո'թսըն, խիստ շահեկան քննութիւն մը կատարելու վրայ եմ և կը յուսամ թէ, ինչպէս արդէն ուրիշ անդամներ, կարեւոր հետք մը գտած եմ այս տիմարներուն անկապակից զուանցանքներուն մէջտեղ: Եթէ այս որջին մէջ ճանչցուէի, կեանքս պիտի վրտանգուէր: Արշաւ մը կը կատարեմ ու այդ սրկիայ կասքաբը, որ կը հետապնդէ զիս, երբեւէ ըրած է որ վրէժը պիտի լուծէ ինձմէ: Եթէ կատարելը, որ կը գտնուի այս շէնքին ետեւ, Սէյնթ Քլոի նաւամատոյցին մօտ, կարենար պատմել թէ մութ, անլուսին գիշերները ինչե՞ր անցած են...

— Ի՞նչ, դիակներու համար ըսել կ'ուզէք:

— Այո՛, դիակներու համար, Ուո'թսըն: Հարուստ պիտի ըլլայինք եթէ հազար ոսկի տալին մեզ իւրաքանչիւր դժբախտի համար, որ սպաննուած է այս որջին մէջ: Գետին այս եղերքին վրայ գտնուած ամէնէն սոսկալի թակարդն է ոճիրի համար և կը վախճամ թէ Նէվիլ Սէյնթ Քլէր հոն մտած է այլ եւս բնաւ դուրս չելլելու պայմանաւ: Բայց կառքը հոս պէտք է ըլլար:

Երկու մասնները լակոսներուն էջտեղ դրաւ և ուժգին կերպով սուրեց, — նշան մը, որուն պատասխանեց հեռուէն ուրիշ սուլում մը, որուն կ'ընկերանար ձիու ամբակի և կառքի թաւալումի աղմուկ մը:

— Հիմա, Ուո'թսըն, ըսաւ Հօլմս, երբ մութին մէջէն դուրս կ'ելլէր ձեզ մը, իր լապտերներովը լուսաւորուած, ինձի պիտի ընկերանաք անշուշտ:

— Եթէ կրնամ օգտակար ըլլալ...

— Օ՛հ, վստահելի բարեկամ մը միշտ օգտակար է և բրնձիկագիր մը՝ ալ աւելի: Սէտրի մէջ երկու անկողիննոց սենեակ մը ունիմ:

— Սէտրի՞ մէջ:

— Այո՛: Մր. Սէյնթ Քլէրի տունն է անիկա: Քննութիւնը վարելէս ի վեր հոն կը բնակիմ:

— Ո՛ւր է:

— Լիի մօտ, Քէյնթի գաւառ: Եօթը փարսախ ճամբայ ունինք առջեւնիս:

— Բայց գործին ի՞նչ ըլլալը չեմ գիտեր:

— Բնականաբար: Վարկեանէ մը պիտի պատմեմ ձեզի: Կառք նստեցէք: Լա՛ւ: Ժա՛ն: Պէտք չունինք ձեզի: Ահաւաւսիկ կէս քուրօն մը: Վաղը, ժամը 11 ին միջոցները սպասեցէք ինձի: Ձին քաւեցուցէք: Աղէկ:

Մտրակի թեթեւ հարուած մը տուաւ է մտանք մութ և ամայի փողոցներու շարքերինդասի մը մէջ ու քացինք լայն կամուրջը, որ ձգուած է տղմուտ գետակին վրայ: Աւելի հեռուն, ուրիշ լայն անջրպետ մը, աղիւտով և շաղախով ծածկուած, — լուս անջրպետ, որուն մէջ կը հնչէին միայն ստիկանի մը ծանր և կանոնաւոր ոտնաձայնը կամ յապաղած գուարթ կենցաղասէրներու երգերն ու աղաղակները: Սոչոր մութ ամպեր կը կուտակուէին երկինքին վրայ, հաղութեցլ սաղավ ընդհամարել քանի մը աստղեր: Հօրմս չէր խօսեր: Գլուխը կուրծքին վրայ ծռած, կարծես թէ իր մտածումներուն մէջ խորասուզուած էր, մինչ ևս, իր քովը նստած, անհամբեր էի իմանալու թէ ի՞նչ էր այն նոր խնդիրը, որուն վրայ կը կեդրոնանային իր բոլոր կարողութիւնները: Սակայն չէի համարձակեր հարցումներ ընել իրեն: Արդէն քանի մը մղոն տեղ յառաջացած և բազմաթիւ ամառանոցներ ունեցող արուարձանները հասած էինք երբ ընկերս, յանկարծ ցնցուելով, ուսերը թոթուեց և սիկաօր վառեց գոհունակ դէմքով մը:

— Լուր գիտէ՞ք, Ուո՛թսըն, ըսաւ ինձի: Ստիկա անգնահատելի յաակութիւն մըն է ճամբու ընկերոջ մը համար: Բայց իրա՛ւ որ, մէկու մը հետ խօսելու պէտք ունիմ, վասն զի այս վարկեանին գուարթ եմ: Քիչ մը առաջ կը հարցնէի ևս ինձի թէ ինչո՞՞ պղտիկ կնոջ ի՞նչ պիտի ըսէի այս իրիկուն, երբ զուրը գայ զիս ընդունելու:

— Կը մտնաք թէ տեղեակ չեմ գործին:

— Լի համենքնէս առաջ իրողութիւնը ձեզի պատմելու ժամանակ ունիմ: Ստիկա շատ պարզ կ'երեւայ և սակայն լաւ

հետք մը չեմ գտներ: Ապահովապէս շատ նշաններ կան, բայց այդ նշանները ամբողջութիւն մը չեն կազմեր: Հիմա, Ուո՛թսըն, գործը ձեզի պիտի պատմեմ կարելի եղածին չափ յստակ կերպով և կրնայ ըլլալ որ ձեր ուղեղին մէջ կայծ մը վառու հետքին վրայ դնէ զիս:

— Մտիկ կ'ընեմ:

— Քանի մը տարի առաջ, աւելի ճիշդը, 1884 Մայիսին, Լի եկաւ Նէվիլ Սէյնթ Քլէր անուն մէկը, որ շատ հարուստ կը կարծուէր: Մեծ ամառանոց մը առաւ և չրջակաները ճաշակով յարդարեց ու բաւական ճոխ կերպով ապրեցաւ: Քիչ քիչ բարեկամներ ունեցաւ չրջականերէն և 1887 ին ամառանացաւ դարեջրագործի մը աղջկան հետ, որմէ երկու զաւակ ունեցաւ: Չբաղում չունէր, բայց քանի մը ընկերութիւններու կ'անդամակցէր և Ընդհանրապէս առտուները քաղաք կ'երթար ու իրիկունները կը դառնար այն կառախումբով, որ ժամը 5, 14 ին կը մեկնի Քէյսըն Սթրիթէն: Մր. Սէյնթ Քլէր այժմ 37 տարեկան է: Չափաւոր սովորութիւններու էր մարդ մը, բարի ամուսին մը, խիստ գորովայից հայր մը և ժողովրդական անձ մըն է բոլոր անոնց մէջ որ զինքը կը ճանչնան: Պիտի տեսնեմ թէ, մեր տեղեկութիւններուն համեմատ, այժմ իր պարտքը կը հասնի 88 ոսկիի և 10 չիլինի, մինչ մայրաքաղաքին և գաւառին պանքաներուն մէջ 220 ոսկիի վարկ մը ունի: Ուրեմն պատճառ չկայ ենթադրելու թէ իր թշնամիները, եթէ ունի, անհաշտ պահանջատէրներ ըլլան:

Անցեալ երկուշաբթի, Մր. Նէվիլ Սէյնթ Քլէր սովորականէն աւելի կանուխ քաղաք գնաց, մեկնելէ առաջ ըսելով թէ երկու կարեւոր յանձնարարութիւններ ունէր կատարելու և թէ իր պղտիկ տղուն համար շինութեան վերաբերեալ խաղայիք մը պիտի բերէր: Դիպուածով, իր կինը, նոյն երկուշաբթի օրը, ամուսինին մեկնելէն շատ քիչ ատեն ետքը, հեռադիր մը ստացաւ, որ կը ծանուցանէր իրեն թէ մեծ արժէք ունեցող պղտիկ ծրար մը, որուն կ'սպասէր արդէն, իր տրամադրութեան ներքեւ կը գտնուէր Ապէրտինի չոգեհասաւսին ընկերութեան գրասխնեակին մէջ: Եթէ լաւ կը ճանչնաք

Երիօք Հօլմս 5

6095-57



ձեր Լոնտոնը, գիտէք թէ ընկերութեան գրասենեակը կը գտնուի Ֆրէզնօ փողոցին մէջ, որ կը յանդիւր Էրբըր Սուէն-տէմ-Լէն, ուր այս իրիկուն գտաք զիս: Ուստի Տիկին Սէյնթ Քլէր ճաշեց, յետոյ Լոնտոն գնաց, քանի մը տեղ այցելեց, որմէ ետք ընկերութեան գրասենեակը գնաց, ծրարը առաւ և ճիշդ ճամբ 435 ին գտնուեցաւ Սուէնտէմ-Լէն, դէպ ի կայարան երթալու համար: Մինչև հոս աղէկ հետեւեցա՞ք ըսածներուս:

— Այո՛:

— Եթէ կը յիշէք, անցեալ երկուշաբթի օր օրը շատ տաք էր: Տիկին Սէյնթ Քլէր կամաց կը քալէր և աջ ու ձախ կը նայէր, յուսալով թէ կառք մը կը տեսնէ, վասն զի չէր սիրեր այս վատանամբաւ թաղին մէջ առանձին գտնուիլ հետիտոն: Այսպէս Սուէնտէմ-Լէնէն իջած ատեն յանկարծ բացազանչութիւն մը կամ աղաղակ մը լսեց և ապշեցաւ մնաց տեսնելով որ ամուսինը իրեն կը նայէր ու նոյն խոյ նշան կ'ընէր (գոնէ իրեն այնպէս էկաւ) երկրորդ յարկի մը պատուհանէն: Պատուհանը բաց էր և Տիկին Սէյնթ Քլէր կը հաւատէ թէ իր ամուսինը յուզուած կ'երեւէր: Զեռքովը յուսահատական շարժում մը ըրաւ, յետոյ յանկարծ անձեռտացաւ պատուհանէն, որպէս թէ անդիմադրելի ոյժ մը քշած տարած ըլլար զինքը: Տարօրինակ մանրամասնութիւն մը իր ուշադրութիւնը գրաւեց: Թէեւ հագած էր այն մուխ դոյն զգեալը, զոր կը կրէր տունէն մեկնած պահուն, բայց ո՛չ օձիք ունէր ոչ փողկապ:

Համոզուած ըլլալով թէ դժբախտութիւն մը եկած էր իր ամուսնոյն զլխին, արագօրէն իջաւ սանդուղին աստիճաններէն (տունը աֆիսնամոլներու այն որջն էր, ուր այս իրիկուն գտաք զիս), վազելով անցաւ դուռնէն և փորձեց առաջին յարկը տանող սանդուղէն ելլել: Բայց այդ սանդուղին ստորտը հանդիպեցաւ ձեզի ըսած մարդուս՝ որիկայ Լաքարին, որ արդիւնց անցնիլը և հոն իբր գործակատար ծառայող Դանիացիին օգնութեամբ փողոց հրեց զայն: Անուելի նախազգացումներու մասնուած, փողոցէն իջաւ և բարեբախտաբար Ֆրէզնօ փողոցին մէջ հանդիպեցաւ կարգ մը

ստտիկաններու և ստտիկանապետի մը, որոնք իրենց տեղը կը դառնային:

Ուստիկանապետը և երկու ստտիկաններ իրեն հետեւեցան և տանտիրոջ յամառ դիմադրութեանը հակառակ, մտան այն սենեակը, ուրկէ նշմարուած էր Մը. Սէյնթ Քլէր: Բայց հոն չգտան զանիկա: Արդարեւ այդ յարկը մարդ չկար, բաց ի հոն բնակող դժբախտ և զաղբատեսիլ հիւանդէ մը: Ինք և Լաքար հանդիսաւորապէս երդում ըրին թէ այդ օրը, կէս օրէն ետք, իրեցմէ զատ ո՛չ ոք մտած էր այդ սենեակը: Իրենց ժխտումը այնչափ ուժով էր որ ստտիկանապետը համոզուեցաւ և կարծեց թէ Տիկին Սէյնթ Քլէր սխալած էր: Բայց անիկա, աղաղակ մը արձակելով, ցատկեց ձերմակ փայտէ պղտիկ տուփի մը վրայ, որ սեղանին վրայ կը դրուէր և կափարիչը խլեց: Շինութեան վերաբերեալ խաղալիք մը ինկաւ, ճիշդ այն, զոր Մը. Սէյնթ Քլէր պիտի բերէր իր զուկին:

Այս դիւարը և կաղ մարդուն ակններու այլայլութիւնը ցոյց տուին ստտիկանապետին թէ գործը ծանր էր: Յարկաբաժինը խնամքով խուզարկուեցաւ և սա եզրակացութեան յանգուեցաւ թէ գարշելի ոճիր մը գործուած էր: Առաջակողմի սենեակը կահաւորուած էր իբրեւ համեստ սալոն մը և կը բացուէր պղտիկ ճաշարանի մը վրայ, որ մթերանոցներէն մէկուն վրայ կը նայէր: Մթերանոցին և ննջասենեակի պատուհանին միջեւ կը գտնուէր նեղ անցք մը, որ տեղատուութեան հարսուկէն ոտնաչափ ջուրով կը ծածկուէր: Սենեակին պատուհանը լայն է և կը բացուի ամբողջ բարձրութեանը վրայ: Քննութեան միջոցին արիւնի հետքեր գտնուեցան պատուհանին եզերքին վրայ և քանի մը կաթիլներ ալ՝ սենեակին տախտակամածին վրայ: Առաջին սենեակին մէջ, վարագոյրի մը ետեւ գտնուեցան Մը. Նէվիլ Սէյնթ Քլէրի բոլոր հագուստները, իր վերարկուէն զատ: Կօշիկ, գուլպայ, գլխարկ, ժամացոյց, ամենքն ալ հոն էին: Այս առարկաները բռնութեան ո՛ր և է հետք չէին ցուցներ, բայց Մը. Սէյնթ Քլէր անհետացած էր: Պատուհանէն դուրս ելած ըլլալու էր, քանի

որ ուրիշ ելք չկար և եզերքին վրայ արիւնի չարաչուք հետ-
քերը յոյս չէին թողուր թէ կրցած էր լողալով ազատիլ,
որովհետեւ եղերեղութեան միջոցին ջուրերը շատ բարձրա-
ցած ըլլալու էին:

Եւ հիմա քանի մը խօսք՝ այն չարազործներուն վրայ,
որոնք կ'երեւի թէ ուղղակի կերպով մատ ունեցած են այս
գործին մէջ:

Լասքար վատահամբաւ մէկն է, բայց որովհետեւ Տիկին
Սէյնթ Քլէր կը պատմէ թէ սանդուղին ստորոտը տեսած է
զայն պատուհանին առջև իր ամուսնոյն երեւալէն քանի մը
վայրկեան ետք, ուստի անիկա ոճիրին մէջ մեղսակից մը միայն
եղած կրնայ ըլլալ: Իր պաշտպանութեան եղանակն է բա-
ցարձակ անդիտութիւն: Կ'ըսէ թէ ընաւ տեղեկութիւն չունի
իր վարձակալին՝ Հունկ Պունի արարքներէն և շարժումներէն
և թէ ո՛ր է պատրուակով չի կրնար պատասխանատու ըլլալ
դո՛ւրին հագուստներուն գտնուելուն համար:

Գալով չարադէմ կաղին, որ աֆիօնամոլներու որջին եր-
կորդ յարկը կը ընակի և որ անշուշտ վերջին անգամ տես-
նողը եղած է Մր. Նէվիլ Սէյնթ Քլէրը, կը կոչուի Հիւկ Պուն
և իր զօրչելի դէմքը ծանօթ է ամէն անոնց որ այդ կողմե-
րը կը յաճախեն: Արհեստով մուրացիկ մըն է, թէեւ, ոստի-
կանական կանոններէն խուսափելու համար, մեղրամոմէ լուց-
կիի տուփեր ծախել կը ձեւացնէ: Քիչ հեռու, Թրիտ-Նիալ
փողոցէն իջած ատեն, ձախ կողմին վրայ դիտած ըլլալու էք
պղտիկ անկիւն մը պատին մէջ: Այս մարդը հող կը կենսայ
ամէն օր, սրունքները խաչաձեւած, իր պղտիկ ափոէն ծուն-
գերուն վրայ: Կարեկցութեան ա՛յնչափ արժանի տեսարան
մը կը ներկայացնէ որ մանր դրամներու տարափ մը կ'իջնայ
իրեն առջև, գետինը դրած իւղոտ դիւխանոցին մէջ: Մէկէ
աւելի անգամներ դիտած եմ այդ մարդը այսօրու ընէ առաջ,
ուր արհեստիս բերմունքով կրցայ ծանօթանալ անոր հետ
և միշդ զարմացած եմ այն հունձքին վրայ, գոր կը քաղէ կը
ժողվէ քանի մը վայրկեանի մէջ: Պատճառը սա՛ է որ իր
տեսքը շատ տարօրինակ է և ո՛չ ոք չի կրնար քովէն անցնիլ
առանց դիտելու. — չիկաղոյն մաղերու խուրձ մը, տժգոյն

դէմք մը սոսկալի վէրքով մը, որ կծկած և վեր դարձուցած
է վերի շրթունքին եզերքը, շունի ծնօտ մը և խիստ վառ-
վառուն զոյգ մը սեւ աչքեր, որոնք տարօրինապէս կը հա-
կադրեն իր մաղերուն գոյնին հետ: — Այս ամենքը մուրացիկ-
ներու բազմութենէն կ'որոշեն կը զանազանեն զինք: Ու-
շագրաւ է նաեւ իր պատրաստարան միտքը, վասն զի միշտ
պատասխան մը ունի կատակախօսութիւններուն, զորս ան-
ցորդները կ'ընեն իրեն: Այս մարդը, աֆիօնամոլներու որջին
այն վարձակալն է որ վերջին տեսնողը եղած է մեր վնասած
մարդը:

— Բայց կաղ մը մինակ ի՞նչ կրնայ ընել ուժեղ մարդու
մը դէմ:

— Կաղ է սա իմաստով որ գայթ ի գայթ կը քալէ,
բայց կ'երեւի թէ, հակառակ ասոր, զօրաւոր և բաւական
առողջ է: Զեր արհեստին փորձառութիւնը սովորեցուցած ըլ-
լալու է ձեզի, Ուօ՛թսըն, թէ անդամի մը տկարութիւնը յա-
ճախ կը փոխարինուի միւս անդամներուն աւելի ուժեղա-
ցումովը:

— Կ'աղաչեմ, շարունակեցէք ձեր պատմութիւնը:

— Տիկին Սէյնթ Քլէր պատուհանին վրայ արիւն տես-
նելով նուազած էր և ոստիկանութիւնը կառքով մը տուն
տարաւ զայն, անոր ներկայութիւնը չկրնալով օգտակարու-
թիւն մը ունենալ քննութեան մէջ: Ոստիկանապետ Պարթըն,
որուն յանձնուեցաւ գործը, խիստ լըջօրէն քննեց յարկաբա-
ժինը, բայց առանց գտնելու բան մը, որ կարենար հետք մը
ցոյց տալ իրեն: Միալ մը գործուեցաւ անմիջապէս չձերբա-
կալելով Պունը, որուն քանի մը վայրկեան միջոց տրուեցաւ,
ու ան ալ այդ պահուն կրցաւ խորհրդակցիլ Լասքար բարե-
կամին հետ: Երբ վերջապէս զինքը ձերբակալեցին և խու-
զարկեցին, չգտան բան մը, որ կարենար յանցապարտ ընել
զայն: Իրաւ է թէ արիւնի բիծեր տեսնուեցան շապիկին աջ
թևին վրայ, բայց անիկա կտրուածք մը ցոյց տուաւ աջ
մատնեմատին վրայ, եղունգին մօտ, և յայտարարեց թէ ա-
իրունը այդ կտրուածքէն առաջ եկած էր, աւելցնելով թէ
քիչ առաջ պատուհանին մօտեցած էր և թէ հոն դիտուած

բիծերը անշուշտ միեւնոյն աղբււրէն էին: Ազգու կերպով
 ուրացաւ Մր. Նէվիլը տեսած ըլլալը և երգում ըրաւ թէ իր
 սենեակին մէջ անոր հագուստներուն ներկայութիւնը իրեն
 համար աշնոյնչափ խորհրդաւոր էր որչափ օստիկանութեան
 համար: Գալով Տիկին Սէյնթ Քլէրի բնակարանին թէ իր ամուսինը
 պատուհանին առջեւ տեսած էր, Պուն յայտարարեց թէ այդ
 կինը յիմար էր կամ թէ երազ տեսած էր: Պահականոց տար-
 ուեցաւ իր բողոքներուն հակառակ: Ոստիկանապետը յար-
 կարամունքն մէջ մնաց յուսալով թէ տեղատուութիւնը նոր
 հետք մը պիտի բերէր իրեն: Չէր սխալեր, վասն զի տիղմին
 մէջ գտնուեցաւ ո՛չ թէ իրենց փնտռածը, այլ Նէվիլ Սէյնթ
 Քլէրի բաճկոնը, ի բացակայութեան նոյն ինքն Սէյնթ Քլէրի:
 Եւ գուշակեցէք թէ այդ բաճկոնը ի՛նչ կը պարունակէր իր
 գրպաններուն մէջ:

— Չեմ գիտեր:

— Ատիկա չի գարմացներ զիս, որովհետեւ անկարելի է
 գուշակել: Է՛ր ուրեմն, բոլոր գրպանները լեցուն էին խօշոր
 և մանր դրամներով: 421 հատ երկու և 270 մէկ սունոց
 դրամներ կային: Չարմանալի չէ որ տեղատուութիւնը իրեն
 հետ չտարաւ այդ խցեակը: Բայց զիսկ մը աւելի զիւրու-
 թեամբ կը տարուի: Նաւամատոյցին և տունին միջեւ բուն
 հակահոտանք մը կայ: Ուրեմն շատ բնական է որ բաճկոնը,
 շատ ծանր ըլլալով, հոն մնայ, մինչ մարմինը, ամէն հա-
 գուստէ մերկացած, գետին փոսին մէջ քշուած է:

— Չեր ըսածներէն հասկցայ որ միւս բոլոր զգեստները
 սենեակին մէջ գտնուած էին: Դիակը միայն այդ բաճկոնը
 կը կրէր:

— Ո՛չ, պարոն, և սակայն այս տեսութիւնը կրնայ
 պաշտպանուիլ: Ենթադրեցէք թէ Պուն Նէվիլ Սէյնթ Քլէրը
 պատուհանէն նետած ըլլայ: Ո՛չ ոք կրցած է տեսնել զայն:
 Ի՛նչ կ'ընէ այն ատեն.— կը ջանայ ինքզինքը ազատել այդ
 հագուստներէն, որոնք կրնան ոճիրը երեւան հանել: Բաճկոնը
 կ'առնէ նետելու համար, բայց յանկարծ կը մտածէ թէ անիկա
 ջուրին վրայ պիտի ծփայ փոխանակ ընկղմելու: Կորսնցնելիք
 ատեն չունի, վասն զի լսած է որ սանդուղին ստորոտը կռիւ

կը մղուի եւ կինը կը փորձէ ելլել ու թերեւս իր մեղսակից
 Աստքարէն իմացած է արդէն թէ օստիկանները շնորոկ կուգան:
 Այլ եւս կարելի չէ վարանիլ: Կը վազէ այն թաքստոցին
 վրայ, ուր հաւաքած է իր մուրացկանութեան պտուղը և
 ամով առած բոլոր սուերը կը թխէ բաճկոնին գրպաններուն
 մէջ, որպէսզ ջէւրին վրայ չծփայ անիկա: Յետոյ կը նետէ
 պատուհանէն: Միւս հագուստներն ալ նոյն բանտին պիտի
 ենթարկուէին եթէ աղմուկ չլսէր և հազիւ ժամանակ ունե-
 ցաւ պատուհանը գոցելու, օստիկաններուն սենեակ կուծե-
 լէն առաջ:

— Արդարեւ ատիկա ընդունելի կ'երեւայ:

— Ամէն պարագայի մէջ այս ենթադրութեան պիտի մեկ-
 նինք, աւելի արեւել չգտնուելուն համար: Ինչպէս ըսի, Պուն
 ձերբակալուեցաւ և պահականոց տարուեցաւ, բայց կարելի
 չեղաւ ապացոյց մը գտնել իրեն դէմ: Տարինքէ ի վեր ճանչ-
 ցուած է իբրեւ արհեստով մուրացիկ մը և իր կեանքին մէջ
 պարսաւելի բան մը չգտնուեցաւ: Ահա ո՛ր կէտին հասած է
 քննութիւնը: Կը մնայ լուծել սա խնդիրը թէ Նէվիլ Սէյնթ
 Քլէր ի՛նչ կ'ընէր աֆիոնամոլներու որջին մէջ, թէ հոն գրո-
 նուած միջոցին ի՛նչ պատահեցաւ իրեն, ո՛ւր կը գտնուի հի-
 մա և թէ Հիւկ Պուն ի՛նչ գեր կատարեց անոր անհետացու-
 մին մէջ: Այս բոլոր խնդիրներուն լուծումը քայլ մը իսկ
 առաջ գացած չէ: Չեմ յիշեր թէ ուսումնասիրած ըլլամ ըստ
 երեւոյթին այսքան պարզ գործ մը, որ քննութեան միջոցին
 այոջափ կը կնճռուի:

Մինչ Շէրլոք Հոլմս այս տարօրինակ պատմութիւնը կ'ը-
 նէր, մեծ քաղաքին արուարձանները և մեկուսացեալ վեր-
 ջին տունները անցած էինք և հիմա կը յառաջանայինք ճամ-
 բու մը վրայէն, որուն երկու կողմերը ցանկապատով եղբո-
 ուած էին: Երբ Շէրլոք Հոլմս իր պատմութիւնը կը վերջա-
 ցնէր, կ'անցնէինք երկու հեռաւոր գիւղերէ, որոնց մէջ լոյսերը
 տակաւին կը փայլէին պատուհաններէն:

— Ահաւատիկ կ'ի շրջականերն ենք, ըսաւ ընկերոս: Այս
 կարճ ուղեւորութեան մէջ երեք գաւառներէ անցանք: Մեր
 մեկնակէտը եղաւ Միալսէքս: Սըրէյի մէկ անկիւնէն անցանք

և Բէնթ կը համնինք: Կը տեսնէ՞ք սա լոյսը ծառերուն մէջէն: Զոն կը գանուի Մէտրը: Այդ լոյսին քովը, որ կանթեղ մըն է, կին մը կայ, որուն անձկալից ականջները արդէն լլաւսած ըլլալու են ձիուն սմբակներուն ձայնը:

— Բայց ինչո՞ւ այս գործին չէք աշխատիր Պէյքըր Սթրիթի ձեր տան մէջ, հարցուցի:

— Վասն զի տեղւոյն վրայ առնելիք շատ տեղեկութիւններ կան: Տիկին Սէյնթ Գլէր աղնուաբար երկու սենեակ դրաւ արամադրութեանս տակ և անշուշտ դուք ալ իմ պաշտօնագիրքս՝ սիրով պիտի ընդունուիք հոս: Շատ յուզուած եմ, սիրելիս Ուոթսն, որ զինքը պիտի տեսնեմ առանց լուր մը հաղորդելու իրեն: Բայց անաւասիկ եկանք:

Կեցած էինք ընդարձակ ամառանոցի մը առջեւ, որ դարձապատանով մը չըջապատուած էր: Զրապան մը վազած էր ձին բռնելու համար: Վար ցատկեցի և Հօլմսին ետեւէն գացի: Ետեւէն զոտ ծառուղիէն, որ տուն կը տանէր: Փոքրիկ խարտեաչ կին մը յառաջացաւ դրան առջեւ, մեղ դիմաւորելու համար: Հազած էր մետաքսեայ մուսլինէ չըջազգեւտ մը, օձիքին և թեւերուն վրայ վարդագոյն զարդով: Իր ուրուանկարը կը ծրագրուէր դրան չըջանակին մէջ: Զեռքերէն մէկը դրած էր մղակին վրայ, իսկ միւսը մեզի երկարած էր իբրև անձկութեան նշան: Մարմինը և գլուխը թեթեւապէս դէպ առաջ ծռած էին: Աչքերուն մէջ կը կարդացուէր ամենաբուռն յուզում և կիսաբաց չըթները հազիւ կը զսպէին հարցումը, որ խուսափելու պատրաստ էր:

- Է՛. Ի՞նչ եղաւ, պրտաց:
- Յետոյ, զիս նշմարելով, յոյսի աղաղակ մը արձակեց որ հեծեծանքի փոխուեցաւ, երբ դիտեց թէ ընկերս գլուխը կը ցնցէր և ուսերը կը թօթուէր:
- Բայց լուր մը չկա՞յ:
- Ո՛չ:
- Գէշ լո՞ւր ալ չկայ:
- Ո՛չ:
- Փա՛ւք Աստուծոյ: Բայց ներս մտէք: Շատ աշխատեցաք այսօր և յոգնած ըլլալու էք:

— Զեղ կը չնրկայացնես՝ բարեկամս՝ տքդ. Ուօթսնը: Մեծապէս օգնած է ինձի քանի մը գործերու մէջ գորս լուծած եմ և բարեբաստիկ պարագայ մը թոյլատրեց զիս հոս բերել զինքը, որպէսզի մասնակցի այս քննութեան:

— Շատ ուրախ եմ ձեզ տեսնելու համար, ըսաւ կինը ձեռքս սեղմելով: Եթէ բանի մը պակասութիւն ունենաք, մի՛ մեղադրէք զիս: Գիտէք թէ Ի՞նչ սոսկալի հարուած մը իջած է գլխուս:

— Սիրելի Տիկին, ըսի, ես վաղեմի զինուոր մըն եմ և յետոյ, եթէ չըլլայի իսկ, ներում ինդրելու պէտք պիտի չունենայիք: Եթէ կարենամ ծառայութիւն մատուցանել ձեզի՛ կամ բարեկամիս, շատ երջանիկ պիտի ըլլամ:

— Հիմա, Մր. Շէրլօք Հօլմս, ըսաւ Տիկին Սէյնթ Գլէր խիստ լուսաւոր ճաշասրահ մը մտցնելով մեզ, ուր պաղ կերակուրներ պատրաստուած էին, շատ կ'ուզէի մէկ կամ երկու հարցում ընել ձեզի, որոնց կը յուսամ թէ անկեղծօրէն պիտի պատասխանէք:

- Անշուշտ, Տի՛կին:
- Զգացումը մէկզի ձգեցէք: Ես զգայուն ջիզեր չունիմ և ամէն բանէ առաջ կ'ուզեմ ձեր կարծիքը գիտնալ:
- Ո՛ր կէտին վրայ:
- Անկեղծօրէն կը կարծէ՞ք թէ նէվիլ ողջ եղած ըլլայ: Շէրլօք Հօլմս կարծես շփոթեցաւ այս հարցումէն:
- Անկեղծօրէն խօսեցէք, կրկնեց կինը Հօլմսի նստած աթոռին առջև ոտքի վրայ կենալով և աչքերը անոր վրայ տեւեռելով:

- Ճիշդը ըսելով, Տի՛կին, չեմ կարծեր:
- Կը կարծէք թէ մեռած է:
- Այո՛, այնպէս կը կարծեմ:
- Սպաննուած:
- Զեմ կրնար ըսել: Թերեւս:
- Ո՛ր օր մեռած է:
- Երկուշաբթի օր:
- Այն ատեն, Մր. Հօլմս, շատ աղնիւ պիտի ըլլայիք:

եթէ բացատրէիք թէ ի՞նչպէս կ'ըլլայ որ այսօր սա նամակը կ'ստանամ իրմէ :

Շէրլօք Հօլմս աթոռին վրայէն ցատկեց զսպանակէ մզուածի պէս :

— Ի՛նչ, պրոռայ :

— Այո՛, այսօր :

Եւ կինը կը ժպտէր թերթ մը թուղթ ցոյց տալով :

— Կրնա՞մ կարդալ :

— Մնշուշտ :

Տենդալին կերպով խեց նամակը անոր ձեռքէն և դբաւ սեղանին վրայ, լոյսին մէջ, ուշադրութեամբ քննելու համար զայն : Ե՛ս ալ աթոռէս ելած էի և Շէրլօք Հօլմսի ուսին վրայէն կը նայէի նամակին : Պահարանը, որ շատ կոշտ էր, գրոշմուած էր Կրէյվսէնտի թղթատունէն և կը կրէր նոյն օրուան թուականը, կամ մանաւանդ առջի օրուան, վասն զի կէս գիշերը անցած էր :

— Սովորական գիր մըն է ասիկա, մրմռաց Հօլմս : Ապա հովապէս ձեր ամուսինին գիրը չէ աս, Տի՛կին :

— Ո՛չ, բայց նամակը իրմէ է :

— Կը տեսնե՞մ նաև թէ պահարանին վրայ գրող անձը հասցէն հարցուցած է :

— Ինչէ՞ն գիտէք :

— Դուք ալ նայեցէք : Անունը գրուած է բողոքովին սև մելանով մը, որ առանձին չորցած է : Մնացեալը ունի այն գորշ գոյնը, զոր կ'առնէ ծծունով չորցուած միւրանը : Եթէ ասիկա առանց ընդմիջումի գրուած և յետոյ չորցուած ըլլար, ի՛նչպէս բացատրելու է որ հասցէին մէկ մասը աղւոր սև գոյն մը ունեցած ըլլայ : Այդ մարդը նախ անունը գրած և յետոյ կեցած է, հասցէն գրելէ առաջ, ինչ որ կ'ապացուցանէ թէ այդ հասցէն չէր գիտեր : Այս սշանը նախ և առաջ մեծ բան մը չհրեւար, բայց կրնայ իր կարեւորութիւնը ունենալ : Հիմա նամակին նոյնիք : Տեսէ՞ք, առարկայ մը կը պարունակէ :

— Այո՛, մատանի մը, ամուսինիս գիրն է :

— Վստահ՞ էք որ ձեր ամուսինին գիրն է :

— Իր գիրերէն մէկն է :

— Իր գիրերէն մէ՞կը :

— Ստիպողական գործ ունեցած ատեն այսպէս կը գրէ : Այս գիրը բնաւ չի նմանիր իր սովորական գիրին և սակայն կատարելապէս կը ճանչնամ զայն :

Ահաւասիկ նամակին պարունակութիւնը .

« Սիրեցեալ բարեկամուհիս . — Մի՛ սարսափիք : Ամէն բան պիտի կարգադրուի : Ծանր թիւրիմացութիւն մը կայ : Թերեւս հարկ պիտի ըլլայ որ ժամանակ մը անցնի այդ թիւրիմացութիւնը լուսարանելու համար : Համբերեցէ՛ք : — Նէվիլ » :

— Ասիկա մատիտով գրուած է ութածալ գիրքի մը ձերմակ թուղթին վրայ : Ներքնադրոշմ չկայ : Հը՛մ, այսօր Կրէյվսէնտի թղթատունը ձգուած է աղտոտ բթամատ ունեցող մարդու մը կողմէ : Եւ պահարանին այս մասը, որ կը ծալուի, փակցուած է, եթէ չե՛մ սխալիր, մարդու մը կողմէ, որ ծխախոտ ծամած էր : Վստահ՞ էք, Տի՛կին, թէ ձեր ամուսին գիրն է :

— Կատարելապէս վստահ եմ : Նէվիլ ինք գրած է այս տողերը :

— Այս նամակը այսօր նամակատուն ձգուած է Կրէյվսէնտի մէջ : Ի՛ ուրեմն, Տի՛կին Աէյնթ Քլէր, երկինքը քիչ մը նուազ մութ կ'երեւայ ինձի : Այսու հանդերձ չե՛մ համարձակիր յուսալ թէ ամէն վտանգ հեռացած է :

— Բայց ողջ է, Մր . Հօլմս :

— Եթէ սակայն այս նամակը թակարդ մը չըլլայ սխալ հեռքի մը վրայ դնելու համար մեզ : Վերջապէս մատանին ապացոյց մը չէ : Կրնայ իրմէ գողցուած ըլլալ :

— Ո՛չ, ո՛չ, վստահ եմ թէ իր գիրն է :

— Շատ լաւ : Այս նամակը կրնայ սակայն երկուշաբթի գրուած և այսօր միայն թղթատուն ձգուած ըլլալ :

— Կարելի է . . .

— Եթէ այնպէս է, այդ միջոցին մէջ կրնան շատ բաներ պատահած ըլլալ :

— Օ՛հ, պէտք չէ վհատութիւն պատճառել ինձի, Մր . Հօլմս : Գիտեմ թէ չարիք մը պատահած չէ անոր : Մեր միջև անյապիտ գորովալից համակրութիւն մը կայ որ պիտի զգայի

եթէ արկած մը պատահած ըլլար անոր: Վերջին օրը, ուր գիրար տեսանք, իր սենեակին մէջ մատը կտրած էր: Ես այդ միջոցին ճաշարահն էի և ա՛յնչափ լաւ ունեցայ իրեն արկած մը պատահած ըլլալուն յայտնատեսութիւնը որ իրեն մօտ վազեցի: Կը կարծէ՞ք թէ պարզ բանի մը համար սիրտս կարենայ թրթռալ և իր մեռնելուն առթիւ բան մը չզգամ:

— Կեանքի մասին շատ փոռձառութիւն ունիմ և գիտեմ թէ կնոջ մը տպաւորութիւնը շատ անգամ աւելի ճիշդ է քան թէ փիլիսոփայի մը եզրակացութիւնները: Եւ այս նամակը անշուշտ ապացոյց մըն է թէ ձեր ըսածը ճիշդ է: Բայց եթէ ձեր ամուսինը ողջ է և նամակներ գրելու վիճակի մէջ է, ինչո՞ւ ձեզմէ հետու կը մնայ:

— Ձեմ գիտեր: Արտասովոր բան է:

— Երկուշաբթի օր, ձեզմէ բաժնուած ատեն, ակնարկութիւն մը չըբա՞ւ որ կարենայ առաջնորդել ձեզ:

— Ո՛չ:
— Եւ Սուէնտէմ-Լէնի տան մէջ զինքը տեսնելով զարմացա՞ք:

— Ապշեցայ:
— Պատուհանը բա՞ց էր:
— Այո՛:
— Ուրեմն պիտի կրնա՞ք ձեզ կանչել:
— Անշուշտ:
— Սակայն կարծեմ թէ անկապակից աղաղակ մը միայն արձակեց:

— Այո՛:
— Ի՞նչպէս երեւցաւ ձեզի, օգնութեան աղաղակ մըն էր:

— Այո՛: Ձեռքովը նշան մը ըրաւ:
— Թերեւս զարմանքի աղաղակ մըն էր: Ձեզ հոն տեսնելուն զարմացաւ, մինչ չէր սպասեր:
— Կարելի է:
— Եւ ձեզ այնպէս եկաւ թէ մէկը ետեւէն կը քաշէր:
— Յանկարծ անհետացաւ:

— Ինքնաբերաբար ուտում մը պիտի չկրնա՞ր ընել: Անեակին մէջ իրեն հետ մէկը չտեսա՞ք:

— Ո՛չ: Բայց այդ անուելի մարդը խոստովանեցաւ թէ հոն էր և Լասքար սանդուղին ստորոտն էր:

— Լա՛ւ: Եւ կը կարծէ՞ք թէ ձեր ամուսինը իր սովորական զգեստները հագած էր:

— Այո՛, բայց առանց օձիքի և փողկապի: Որոշապէս տեսայ իր մերկ վիզը:

— Սուէնտէմ-Լէնի խօսքը ըրա՞ծ էր:

— Երբե՛ք:

— Նշմարա՞ծ էիք թէ աֆիօն կը ծխէր:

— Ո՛չ:

— Ծնորհակալ եմ, Տի՛կին Սէյնթ Փլէր: Այս կարեւոր կէտերուն վրայ կատարելապէս լուսաբանուել կ'ուզէի: Հիմա պիտի ճաշենք, եթէ թոյլ կուտաք, յետոյ պիտի հանգստանանք ի նախատեսութիւն այն դժնդակ օրուան, զոր թերեւս վաղը պիտի ունենանք մեր առջեւ:

Երկու անկողիննոց խիստ ընդարձակ և հանգստաւէտ սենեակ մը դրուած էր մեր արամադրութեան ներքեւ: Փութացի պառկիլ, որովհետեւ չարաչար յոգնած էի յուզեալ գիշեր մը անցուցած ըլլալուս համար: Բայց Շէրլոք Հօլմօ, երբ լուծելիք խնդիր մը ունենար, օրերով և նոյն իսկ ամբողջ շաբաթ մը զանց կ'ընէր հանգիստը: Խնդիրը իր բոլոր երեւոյթներով կը քննէր մինչև որ լուծէր զայն կամ համոզուէր թէ իր տուեալները անբաւական էին: Հատկացայ թէ կը պատրաստուէր լուսցնել, երբ տեսայ որ վերաբրելուն և բաձկոնակը հանեց, կապոյտ լալն սենեկաղջեստ մը հագաւ և յետոյ սկսաւ սենեակին մէջ վեր վար պտտիլ: Անկողինն, բազմոցին և թիկնաթոռներուն բարձերը առաւ, տեսակ մը արեւելեան բազմոց շինեց անոնցմով և վրան նստեցաւ, սրունքները խաչածեւած, ձեռքին մօտ դնելէ ետք մէկ ունկի ծխախոտ և լուցկիի առեփ մը: Կանթեղին տոգոյն լսյսով, որ անոր շեշտուած դիմագիծերը և արծուային քիթը կը լուսաւորէր, կը տեսնէի զինքը նստած, ցախի փայտէ հին ծխամորջ մը ակռաներուն միջեւ, աչքերը տարտամօրէն սեւեռած:

դէպ ի ձեզունին մէկ անկիւնը : Հոն մնացած էր այսպէս անշարժ , մինչ ծխամորջին ծուխը իր շուրջը կը բարձրանար կայոյտ գուլաներով : Զինքը դիտելով քունս տարաւ : Դիրքը փոխած չէր երբ , բացազանչութենէ մը շնորոտ արթննալով , տեսայ որ ամբան արեւը արդէն կը փայլէր սենեակին մէջ : Շէքրօք Հօլմս տակաւին բերնէն ձգած չէր ծխամորջը : Ծուխի գուլաները կը շարունակէին դէպ ի ձեզուն բարձրանալ և սենեակին միջոցով ծանրացած էր գիշերուան միջոցին սպառած ծխախոտին շողիներովը , վասն զի քնացած պահուս Շէքրօք Հօլմսի մօտ տեսած ծխախոտի ծրարէս բան մը մնացած չէր :

- Արթնցա՞ք , Ուօ'թսըն , հարցուց ինծի :
- Այո՛ :
- Պատրա՞տ էք առտուան պտոյտ մը ընելու կառքով :
- Անշո՛ւշտ :
- Ուրեմն հագուեցէք : Տակաւին ո՛չ ոք արթնցած է : Բայց գիտեմ թէ ձիապանը ո՛ւր կը բնակի և շուտով լծել պիտի տանք կառքը :

Դէմքին վրայ ամէն բան ժպտուն էր : Աչքերը փայլուն էին : Իրիշերուան տխուր մտածողը բողբոլին յլափոխուած էր :

Հագուելով մէկտեղ ժամացոյցս նայեցայ : Մեզ չըջապատող լուսիւնը զարմանալի չէր : Ժամը հազիւ չորսը քսանհինգ կ'անցներ : Հագուելիս կ'աւարտէի , երբ Հօլմս եկաւ իմացուց ինծի թէ ձիապանը կառքը կը լծէր :

— Ի՞մ մասնաւոր դրութիւններէս մէկը փորձել կ'ուզեմ , ըսաւ ոտնամանները հագնելով : Ուօ'թսըն , ձեր առջեւ կը տեսնէք Նւրոպայի ամէնէն մեծ տխմարը : Ոտքի ստեղծիչ հարուած մը ստանալու արժանի եմ : Բայց կարծեմ թէ գործին բանալին ձեռքս է :

- Եւ ո՛ւր կը գտնուի , հարցուցի ժպտելով :
- Բաղնիքին սրահին մէջ , պատասխանեց : Օ՛հ , այո՛ , կատակ չեմ ընեք , շարունակեց թերահաւատ երեւոյթս տեսնելով : Մնկէ դուրս կ'ելլեմ : Առի և ոա պզտիկ պարկին մէջ դրի : Եկէ՛ք , տղա՛ս , տեսնե՛ք թէ փականքին պիտի յարմարե՞ն : Աջձայն վար իջանք ու դուրս ելանք : Արեւը արդէն կը

շողար իր բոլոր փայլովը : Տունէն քանի մը քայլ անդին , ձամբուն վրայ դտանք մեր կառքը կէս հագուած ձիապանին պահպանութեան տակ : Թեթեակի մտանք կառքին մէջ և արագ արագ ուղղուեցանք դէպ ի Լանտոն :

Հանդիպեցանք բա՛ջարավաճառներու քանի մը օայլերու , որոնք բանջարեղէն կը տանէին մայրաքաղաք , բայց ձամբան եղերող տուները ամենախոր լուսութեան մէջ թաղուած էին :

— Հետաքրքրական պատմութիւն , ըսաւ Հօլմս յանկարծ վազցնելով ձին : Խլուրդի մը պէս կոյր եղայ , պէտք է խոստովանիլ , բայց լաւ է անագան քան երբեք :

Քաղաքին մէջ , Սըրբէյի կողմը , վաղայրոյց մարդիկ կը սկսէին իրենց պատուհանները ելլել , աչքերնին տակաւին քունէն ուռեցած : Թէմիզը անցանք վաթէրոյի կամուրջէն , յետոյ Ուէլինկիթըն փողոցէն յառաջանալով և դէպ ի աջ դառնալով , ինքզինքնիս գտանք Պոււ Սթրիթի մէջ : Շէքրօք Հօլմս ծանօթ էր ոտսիկանութեան և զբան առջեւ կեցող երկու ոտսիկանները իսկոյն ողջունեցին զինքը : Անոնցմէ մէկը ձին բռնեց , մինչ յիւսը ներս կը մտցնէր մեզ :

- Սպասելու կարգը որի՞ն է , հարցուց Հօլմս :
- Ոտսիկանապետ Պրիտսթրիթի , պարոն :
- Ա՛հ , Պրիտսթրիթ , ի՞նչպէս էք ազէ՞կ էք :
- Պաշտօնեան , որուն կ'ուզէր այս խօսքը , հատուկազմ մարդ մըն էր , որ մեզ դիմաւորելու կուգար սալայատակուած նրբանցքէ մը : Դիմապանակ ունեցող զլխարկ մը դրած և բաճկոն մը հագած էր :
- Չեղի հետ խօսիլ կ'ուզեմ , Պրիէ՛տսթրիթ :
- Չեր տրամադրութեան տակ եմ , Մր . Հօլմս , հաճեցէ՛ք հոս , գրասենեակս մօտել :

Պզտիկ սենեակ մըն էր , սեղանով մը , որուն վրայ խոշոր տետրակ մը կը գտնուէր : Պատին վրայ դուրս ցցուած հեռաձայնի գործիք մը կար : Ոտսիկանապետը նստաւ իր գրասենեակին առջեւ :

— Ի՞նչ ծառայութիւն կրնամ մատուցանել ձեզ , Մր . Հօլմս :

— Եկած եմ խօսելու համար մուրացիկ Պունի վրայ, որ Լիցի Մր. Նէվիլ Սէյնթ Բլէրի անհետացման գործին մեղսակից է:

— Այո՛, դատարանի առջեւ ելաւ, յետոյ քննութիւնը աւելի ետքի թողուեցաւ:

— Ինձի ալ այդպէս ըսին: Հո՞ս է:

— Այո՛, բանտն է:

— Հանդարտ է:

— Օ՛հ, նեղութիւն չի պատճառեր, բայց զարչանք ազդող անձաքրուծիւն մը ունի:

— Անձաքո՛ւր է:

— Այո՛, մինչեւ հիմա սա՛ միայն կրցանք ընել որ ձեռքերը կը լուայ: Իսկ երեսը անխավաճառի մը երեսին պէս սեւ է: Ամէն պարագայի մէջ երբ իր դատը տեսնուի, պարտաւորիչ կերպով պիտի լուացուի և ասիկա պերճանք պիտի չըլլայ, հաւատացէք:

— Կ'ուզէի տեսնել զինքը:

— Իրա՛ւ: Դիւրին է: Հետո եկէք: Ձեր պարկը կրնաք հոս ձգել:

— Ո՛չ, աւելի աղէկ կը սեպեմ միտսին բերել:

— Դուք գիտէք: Հոսկէ եկէք, կ'աղաչեմ:

Նրբանցքէ մը անցուց մեղ, երկաթեայ ձողի մը միջոցաւ գոցուած դուռ մը բացաւ, դարձգարձիկ սանդուղէ մը իջաւ ու մեզ տարաւ կիրով ձերմկցած նրբանցք մը, որուն վրայ, երկու կողմէ, կը բացուէին շարք մը դուռներ:

— Աջ կողմի երրորդ խցիկն է, ըսաւ ոստիկանապետը: Անա՛ւասիկ:

Դրան վերի մասին մէջ գտնուած դռնակ մը բացաւ և այդ ծակէն ներս նայեցաւ:

— Կը քնանայ, ըսաւ: Կրնաք սքանչելի կերպով տեսնել զինքը:

Երկուքս ալ մօտեցանք վանդակորմին և տեսանք բանտարկեալը, որ պառկած էր գլուխը դէպի մեր կողմը դարձուցած: Մանր քունի մը մէջ թաղուած էր: Շնչառութիւնը դանդաղ և խորունկ էր: Այս մարդը միջահասակ էր, և

կոշտօրէն հագուած, ինչպէս կը պատշաճէր իր վիճակին: Գունաւոր շապիկ մը հագած էր, որ իր պատառատուն բանկոնին պատառածքէն դուրս կ'ելլէր: Ինչպէս ոստիկանապետը ըսած էր մեզի, մարդը վերջին ծայր աղտոտ էր, բայց նրեսը ծածկող սեւութիւնը թերի կերպով միայն կը պահէր իր գարշելի ազդուծիւնը: Լայն վէթք մը աչքէն մինչեւ ծնօտը կ'երթար և սպիանալով, վերի շրթունքին մէջ կողմը վեր դարձուցած ու այսպէս երեւան հանած էր երեք ակառանբը: Շիկագոյն առատ մազեր մինչեւ աչքերուն և ճակատին վրայ կ'իջնէին:

— Սիրուն է, այնպէս չէ՞, ըսաւ ոստիկանապետը:

— Իրաւ է որ լուացուելու պէտք ունի, պատասխանեց Հօլմս: Մտքէ կ'անցընէի և նախզգուշութիւնը ունեցայ հետքերելու ինչ որ հարկ է ասոր համար:

Պարկի պարկը բացաւ և բաղնիքի խոշոր օպունգ մը հանեց, մեծ ապշուծիւն պատճառելով ինձի:

— Է՛, շատ զարմանալի գաղափարներ ունիք, ըսաւ ոստիկանապետը հեղնարար:

— Հիմա հաճեցէք դուռը մեղմիւ բանալ և պիտի տեսնէք թէ քիչ ատենէն շատ աւելի յարգելի դէմք մը պիտի ունենայ:

— Վերջապէս գէշ պիտի չըլլայ ատիկա, վասն զի պատիւ չի բերեր Պօռլ Սթրիթի բանտին:

Դուռը բացաւ ու երեքս միտսին խցիկը մտանք, մեր ստանձայնը խեղդելով:

Բանտարկեալը կիսովին դարձաւ, յետոյ նորէն խորունկ քունի մէջ թաղուեցաւ: Հօլմս ջուրին ամանին մօտեցաւ, իր օպունգը թրջեց և անով երկու անգամ ուժգնօրէն շփեց ամբաստանեալին երեսը:

— Թոյլ տուէք որ, ըսաւ, ձեզ ներկայացնեմ Քէնթի գաւառին Լի քաղաքին բնակիչներէն Մր. Նէվիլ Սէյնթ Բլէրի:

Կեանքիս մէջ երբեք այդպիսի անսարանի մը ներկայ եղած չեմ: Այդ մարդուն երեսը սպունգին տակ այլափոխուած էր: Կարծես թէ կեղեւ մը կը հանուէր: Մարմինին

թուխ գոյնը անհետացած էր, ինչպէս նաև դէմքը մէջտեղէն
 օպիոտող սոսկալի վերքը: Շրթունքը նորէն շտկուած և
 հեզնական ժպիտը մարած էր: Շէրլօք Հօլմս ցնցած ըլլալով
 գայն, չիկագոյն մագերուն խուրձը ինկած էր: Գարշա-
 տեսիլ մուրացիկէն բան մը չէր մնացած այլ ևս իր նուրբ
 մորթով ու սեւ մազերով ազնիւ երեւոյթ ունեցող այդ
 աճգոյն ու տխուր մարդուն մէջ, որ, անկողնին վրայ նստած,
 աչքերը կը շփէր և չորս կողմը կը նայէր ապշութիւնովը
 մարդու մը, գոր կ'արթնցնեն:

Հասկցաւ կացութիւնը և ճիշտ մը արձակելով, երեսը բար-
 ձին մէջ ծածկեց:

— Մեծ դ Աստուած, պոռագ ոստիկանապետը, արդարև
 ահաւատիկ մեր փնտռած մարդը: Իր լուսանկարէն կը ճանչ-
 նամ զինքը:

Բանտարկեալը մեզի նայեցաւ ինքզինքը իր բախտին
 յանձնող մարդու մը անփութութիւնովը:

— Աւելի՛ գէշ, ըսաւ: Կրնամ գիտնալ թէ ինչ բանի
 համար ամբաստանուած եմ:

— Ամբաստանուած էք անհետացուցած ըլլալնուդ համար
 Մր. Նէվիլ Սէյնթ...:

— Բայց այդ ամբաստանութիւնը հիմ չունի, եթէ սակայն
 գործը անձնասպանութեան պարագայի մը չվերածուի, ըսաւ
 ոստիկանապետը ժպիտով մը: Իրաւ, 27 տարիէ ի վեր ոստի-
 կանութիւն կ'ընեն, բայց ասանկ բանի հանդիպած չէի:

— Եթէ Մր. Նէվիլ Սէյնթ Քլէրն եմ, ուրեմն ակներեւ
 է թէ ո՞րի գործուած չէ և թէ ապօրէն կերպով բնտար-
 կուած եմ:

— Ո՞նի չկայ, բայց ծանր սխալ մը կայ: Աւելի ազէկ
 պիտի ընէիք ձեր գաղտնիքը յայտնելով ձեր կտոյը:

— Ո՛չ թէ կինս, այլ տղաքներս կը մտածէի: Աստուած
 ջգնէ ինձի: Ձէի ուղեր որ տղաքս իրենց հօրը համար կար-
 մրին: Աստուած իմ, ինչ գայթակղութիւն: Ինչ ընելու է:

Շէրլօք Հօլմս անոր քովը, անկողնին վրայ նստաւ և
 ձեռքը մեղմիւ դրաւ անոր ուսին վրայ:

— Ստոյգ է թէ, ըսաւ, եթէ այս գործը դառելու համար

ատեանի մը առջեւ հանուիք, դժուարաւ պիտի ազատիք
 Գրապարակումէ: Միւս կողմէ, եթէ յաջողիք ոստիկանութեան
 պաշտօնատարները համոզել թէ կարելի չէ ամբաստանութիւն
 մը օւղղել ձեզի դէմ, լրագիրները լուռ պիտի մնան: Վտան-
 եմ թէ ոստիկանապետ Պրէտսթրիթ պիտի նօթագրէ ձեր ըսե-
 լիքները և ինչէրը պիտի ներկայացնէ որո՞ւ որ պետք է:
 առանց դատարանի ինչիւր ըլլալու:

— Աստուած օրհնէ՛ ձեզ, պոռաց բանտարկեալը եռանդալ է
 Բանտի և նոյն իսկ դահիճի կը հանդուրժեմ, բայց չեմ ուզեր
 որ տարածուի այս գարշելի գաղտնիքը, որ արատ մը պիտի
 ըլլայ զաւակներուս համար: Ձեզմէ զատ ո՛չ ոք պիտի գիտ-
 նայ իմ պատմութիւնս: Հայրս ուսուցիչ էր Չէսթըրֆիլտի
 մէջ, ուր լաւագոյն կրթութիւն մը ստացայ: Երիտասարդու-
 թեանս ատեն ճամբորդեցի: Յետոյ դերասան եղայ և ի վերջոյ
 Անտոնի մէջ իրիկուան թերթի մը լրագրի պաշտօնը ստանա-
 նեցի: Օր մը հրատարակիչս փափաք յայտնեց մայրաքաղա-
 քին մէջ ի գործ դրուող մուրացկանութեան վրայ յօդուած-
 ներու շարք մը օւնենալ: Առաջարկեցի այդ յօդուածները
 հայթայթել իրեն: Ասիկա եղաւ իմ բոլոր արկածներուս սկզբ-
 նաւորութիւնը: «Ամաթէօն» մուրացկան եղայ յօշուածնե-
 բուս իբր հիմ ծառայելիք եղելութիւնները հաւաքելու համար՝
 թատրոնի մէջ բնականաբար սովորած էի դէմքս փոխել և ճշ-
 մարիտ արուեստ մը ըրած էի ասիկա: Այս օտաղանդը օգտա-
 գործեցի: Դէմքս ներկեցի և հասարակութեան կարեկցու-
 թիւնը հրաւիրելու համար խոչոր վերք մը չինեցի: Սովորու-
 թիւն ըրի շրթունքս միտի գոյն օնդուսի պզտիկ կտորի մը
 միջոցաւ վեր առնելու: Յետոյ շիկագոյն կեղծամ մը դնելով
 և վիճակի համապատասխան զգեստ մը հագնելով, քաղաքին
 ամէնէն՝ ոգեւորեալ մասին մէջ հաստատուեցայ իբրև լուցկի
 ծախող, բայց իսկապէս պարզ մուրացկան մը ըլլալով: Եօթը
 ժամ այս արհեստը ի գործ դրի ու երբ իրիկունը դարձայ,
 խորին դարմանքով տեսայ որ 26 չիլին և 4 րէնս շահած էի:

« Յօդուածներս գրեցի ու այլ եւս այս գործին վրայ չէի
 խորհեր մինչև որ օր մը, բարեկամի մը ծառայելու համար,
 տեսօրին վճարելի թուղթ մը ստորագրած և 25 օսկիի համար

գատարան հրաւիրուած էի: Չէի գիտեր թէ ո՛ւր կէ ճարէի այս գրամը երբ յանկարծ գաղափար մը եկաւ միտքս: Պահանջատէրէս 15 օրուան պայմանաժամ մը և պետերէն արձակուրդ մը խնդրեցի և իբր մուրացիկ ծպտելով օրերս անցուցի ողորմութիւն խնդրելով քաղաքին մէջ: Տասը օրէն պարտքս հատուցանելու չափ դրամ հաւաքած էի: Կը խորհիք թէ դժուար էր լուրջ աշխատութեան ձեռնարկել ամիսը երկու ոսկի թոշակով, երբ գիտէի թէ կրնայի մէկ օրուան մէջ նոյնչափ գումար մը շահիլ առանց շարժելու, դէմքս քիչ մը ներկելով և գլխարկս գետինը, քովս դնելով: Մնափառութեանս և գրամի սիրոյն միջեւ երկար պայքար մը մղուեցաւ, բայց տղարները յաղթող հանդիսացան: Լրաբերութենէ հրաժարեցայ և ամէն օր եկայ նստայ այն անկիւնը, զոր նախապէս ընտրած էի և ուր կարեկցութիւն կը ներշնչէի աժգոյն դէմքիս շնորհիւ: Այս միջոցին գրպանս սուերով կը լեցուէր: Մէկ հօգի միայն գաղտնիքս գիտէր: Ասիկա տէրն էր Սուէնատէմ-Լէնի մէկ որջին, ուր կը բնակէի: Ամէն առտու աղափոտ մուրացիկի պէս ծպտուած դուրս կ'ելլէի և իրիկունները վայելուչ մարդու կերպարանք կ'առնէի: Վարձքս լայնօրէն կը հատուցանէի Լասքար կոչուած այդ մարդուն, այնպէս որ գիտէի թէ գաղտնիքս աղէկ կը պահուէր: Շուտով նշարեցի թէ շատ կը շահէի: Ըսել չէ թէ Լոնտոնի մէջ մուրացիկ մը միշտ կրնայ տարին եօթը հարիւր ոսկի շահիլ, ինչ որ շահածիս միջինէն ալ պակաս է: Բայց ես նմանցնելու բացառիկ կարողութիւն մը ունակ չուէի: Ամբողջ օրը ձերմակ դրամներով խառնուած սուերու քարափ մը կ'իջնար վրաս և շատ հազուադէպ էր որ առ նուագն երկու ոսկի չհաւաքէի:

« Բանի՛ կը հարստանայի, նոյնչափ փառասիրութիւնս կ'աւելնար: Գիւղին մէջ տուն մը վարձեցի և նոյն իսկ ամուսնացայ ու ո՛չ մէկը կասկածեցաւ արհեստիս մասին: Սիրեցեալ կինս գիտէր թէ պաշտօն մը ունէի քաղաքին մէջ: Ամէնքը ա՛յոջափ:

« Անցեալ երկուշաբթի գործս լմնցուցած էի և աֆիօնա-մոններուն օրջին վերել գտնուած սենեակիս մէջ կը հագուէի, երբ, պատուհանէն նայած ատենս, ապշութեամբ նշարեցի կինս որ փողոցն էր և այժմբը վրաս սեւեռած էր: Չարմանքէս պողացի, երեսս ձեռքերուս մէջ ծածկեցի և գաղտնիքիս տեղեակ եղող մարդուն մօտ վազելով ստիպեցի զինք չթողուլ որ ո՛ւր է մէկը իմ սենեակս ելլէր: Վարէն լսեցի կնոջըս ձայնը, բայց գիտէի թէ պիտի չկրնար վեր ելլել: Իսկոյն աշխարհիկ մարդու լաթերս հանեցի, մուրացիկի լաթերս հագայ, երեսս ներկեցի և կեղծամս դրի: Կինս անգամ չկրցաւ ձանձնալ զիս այսչափ կատարեալ ծպտումի մը տակ: Այն ատեն միտքս եկաւ թէ կրնային խուղարկութիւն մը կատարել այս սենեակին մէջ և թէ զգեստները պիտի մատնէին զիս: Պատուհանին մօտ վազեցի բանալու համար և այս յանկարծական շարժումին մէջ արիւնեցի մատիս կտրուածքը, որ նոյն առտուն պատահած էր: Յետոյ բռնեցի զգեստս, որուն ծանրութիւնը աւելցած էր մէջը դրած սուերովս, պատուհանէն նետեցի և Թէմիզի մէջ անհետացուցի: Միւս զգեստներս ալ նոյն վիճակին պիտի ենթարկուէին եթէ այդ պահուն խուժք մը ոտիկաններ սանդուղէն չելլէին: Քանի մը վայրկեան ետք, ո՛չ թէ նէվիլ Սէյնթ Քլէրը ըլլալս երեւան ելած էր, այլ իբրեւ անոր սպանիչը ձերբակալուած էի և կը խոստովանիմ թէ ասիկա սիտիանք մը եղաւ ինծի համար: Ձեզի եղածին չափ երկար ատեն պահել ծպտումս, որուն համար դէմքս աղտոտ էր: Գիտնալով թէ կինս սոսկալի անձկութեան մը պիտի մատնուէր, մտաանիս Լասքարին տուի ա՛յնպիսի պահու մը, ուր ոտիկաններէն ո՛չ մէկը կը նայէր ինծի և պզտիկ տոմս մըն ալ միացուցի կնոջս համար, ըսելով թէ վախնալիք բան մը չունէր:

- Այդ տոմար երէկ միայն հասաւ իր ձեռքը, ըսաւ Հօլմս:
- Մե՛ծը Աստուած, ի՛նչ սոսկալի շարաթ մը անցուցած պիտի ըլլայ:
- Ոտիկանութիւնը կը հսկէ Լասքարի վրայ, ըսաւ սոսկանապետ Պրէտսթրիթ և կատարելապէս կը հասկնամ թէ

իրեն համար դժուար եղած է նա՛մակ մը ձգել Բղթատուն , առանց նշմարուելու : Հաւանաբար յանձնած է իր յաճախորդներէն նաւաղի մը , որ քանի մը օր զբաւանը մոռցած է զայն :

— Անշուշտ այդպէս ըլլալու է , ըսաւ Հօլմս , գլխի նշանով մը հաւանութիւն յայտնելով : Մուրացի տնութեան համար ընաւ տուգանքի չենթարկուեցա՞ք :

— Մէկէ աւելի անդամներ , բայց տուգանք մը ի՞նչ կարեւորութիւն ունէր ինձի համար :

— Հիմա պէտք է վերջացնել այս գործը , ըսաւ Պրէտսթրիթ : Եթէ ոստիկանութիւնը պէտք է լռութիւն պահէ այս մասին , Հիւկ Պուն անհետանալու է :

— Այդ մասին յանձնառու կ'ըլլամ ամէնէն հանդիսաւոր երդումովը , զոր մարդ մը կրնայ ընել :

— Այդ պարագային մէջ մեր դերը վերջացած է : Եթէ սակայն դարձեալ բռնեն ձեզ , ամէն բան պիտի ըսենք : Մր. Հօլմս , շատ երախտապարտ ենք ձեզի որ խնդիրը լուսաբանեցիք : Կը փափաքէի գիտնալ ձեր մէթոտը :

— Այդ մէթոտը այս անգամ ալ կը կայանար հինգ բարձերու վրայ նստելուն և մէկ ունկիի ծխախոտ սպառելուն մէջ : Կարծեմ թէ , Ուո'թսըն , կառք մը նստելով , ճիշդ նախաճաշի ատեն պիտի հասնինք Պէյքըր Սթրիթ :

Վ Ե Ր Ձ



ՆԱԹ ՓԻՆԳԵՐԹԸՆ

1. — Օդի մէջ ձերբակալում մը
2. — Մահուան ժայռը
3. — Նախորդ նշանածին վրէժը
4. — Մահացու անկում մը
5. — Արիւնի խորանը
6. — Խորհրդաւոր գնդակները
7. — Սիկաու ծխող Ֆրէտ
8. — Կտոջ վրէժխնդրութիւնը
9. — Պրուքլինի կամուրջին վրայ
10. — Անտաններու թագաւորը
11. — Էրիէ լիճին սարափը
12. — Նաթ Փինքէրթընին նմանը
13. — Հոտառութեան յաղթանակը
14. — Մարդասպաններու զատապարտեալը
15. — Գնաշրջիկը
16. — Խորհրդաւոր մանր

ՆԻՔ ԲԱՐԹԸՐ

1. — Սպիտակ տան գաղտնիքը
2. — Պարոն Մուժուշիմի ուրուականները
3. — Լրտեսական նոր գրութիւն մը
4. — Անօթութեան աշտարակը
5. — Սպիտակ գերիները
6. — Հինգ միլիօնի գողութիւն մը
7. — Մուժուշիմի վերջին յաղթանակը
8. — Սան Ֆրանչիսքոյի տղա՛գողերը
9. — Անիշխանականներու որջ խը
10. — Մուժուշիմի վրէժխնդիրը (մամուլի տակ)

ՅՐԱՆԻ ԼԻՒԲԵՆ

1. — Արսէն Լիւբէնի ձերբակալումը
2. — » » բանտին մէջ
3. — » » բանտէն կը փախչի
4. — Խորհրդաւոր ճամբորդութիւնը
5. — Թագուհիին մանեակը
6. — Գուրայի եօթնոցը
7. — Մատամ իւմպէրի դրամարկը (մամուլի տակ)

ՇԵՔԼՕՒ ԶՕԼՄՍ

1. — Կարմիր մարդոց ընկերութիւնը
2. — Ինքնութեան պարագայ մը
3. — Պօքրօպի հովիտին գաղտնիքը
4. — Նարինջի հինգ կուտերու արկածը

769

ԴՆԿԵ.

Նաւասարդ	100
Ճրանակալան յեղափոխութիւնը	250
Օջական հաւաքածոյ	50
Ինճնուերզեց	180
Ազատութեան համար Չեքոսլովակիոյ փրկիչը	120
» » Երջըզի պօսկան	80
Վերջին բերդը	30
Քափառական Հայր	75
Քապարտը	60
Ախորականը	40
Մասեհը	35
Ապսիլ-Համիս եւ Երոթփորն	90
Նաթ Փինեթրըն (Նախորդ շրջան)	10
Յիշատակներ Հայկական ճգնաժամին	150
Ուղեցոյց ընտանեկան երջանկութեան	50
Միամիտի մը արկածները	35
Շրափնեյի օակ	60
Պօպալիոյի տասնօրեակը	50
Իրանի պատուհանները Ատրպէսի	60
Հաւաստիքներու զաղտնիքները	125
Քանիցազարդ կիներ	60
Մանանայ Ա. Բ. (Գ. Խաւորը հազուադիպէ Կ)	120
Հայապատում	60
Քուրանը	150
Հայոց պատմութիւնը Պալատական	100
Սիրածներու համար	5
Վերածնունդ Հայաստան	7,5
Գեանիը ինչպէս կ'անցնէր, կեանիը ինչպէս անցաւ	30
Սարապի երկրին մէջ	100 ԴՆԿԵ [100
Գաղտնի ճեղքակազիր Հայաստանի ջարդին վրայ Տֆ. Լեքուիսի	
Հայ մեֆին հարկը եղեանին	30 ԴՆԿԵ.
Դեպքան Մօրկնրաուի պատմածները	100 »
» Ճերարտի պատմածները	80 »
Հայաստանի քաղաքը զոնաւոր եւ պատմական	30 »

2013



